Theodr. Petri Caelsi Ratio occurrendi morbis a mineralium abusu produci solitis: Accedit Lucas Dorascentius De usu chalybis atque mercurii in obstructione curanda.

Contributors

Caels, Théodoric Pierre, 1739-1819. Dorascentius, Lucas. De usu chalybis atque mercurii in obstructione curanda. Francis A. Countway Library of Medicine

Publication/Creation

Romae: Apud Petrum Sabeundi, M.DCC.LXXXIII.

Persistent URL

https://wellcomecollection.org/works/x4mva7ay


License and attribution

This material has been provided by This material has been provided by the Francis A. Countway Library of Medicine, through the Medical Heritage Library. The original may be consulted at the Francis A. Countway Library of Medicine, Harvard Medical School. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



Boston Medical Library in the Francis A. Countway Library of Medicine ~ Boston





Digitized by the Internet Archive in 2010 with funding from
Open Knowledge Commons and Harvard Medical School



THEODOR. PETRI CAELSI,

COLLEGII MEDICORUM BRUXELLENSIUM
Socii.

RATIO

OCCURRENDI MORBIS

A

PRODUCT SOLITIS-

LUCAS DORASCENTIUS,

DE

USU CHALYBIS ATQUE MERCURIA



ROMÆ

Apud Petrum Sabeundi.

M. DCC. LXXXIII.

MULTA CORPORA EADEM, ET MEDICAMENTA, ET VENENA SUNT. Boerh. Præl.



PRÆFATIO.

rare s. preadence anim mantedata


Cuncta infortunia quemcunque recordantem infelicitatis communis subit miseratio; quantas enim clades sola mineralia hominibus caterisque animalibus quotidie inferunt, dici satis nequit : quare de eorum abusu maxime obvio, eique occurrendi ratione agere decrevi.

PRÆFATIO.

Non tamen existimes, amice Lector! me mineralia plane rejicere, semperque noxia declarare; prudenti enim manu data in saluberrima atque prompta medicamina abire, abusum verò illorum pessimum esse cuique satis notum est.

Multa in pauca contrahere, ac perspicuitatem cum brevitate conjungere studui: ubique humanitatis memor lege, evolve, fruere, corrige.

elities declineating falls



AURUM. SOL CHYMICORUM.

METALLUM est persectum, ponder rosissimum, simplicissimum, omnium purissimum, nec aëre, aquâ, igne destruendum, coloris plus minusve lutei, splendentis, argento mollius, stanno & plumbo durius, vix sonorum aut elasticum, admodum malleabile & ductile, dissiculter susile, aquâ regiâ solubile.

Aurum aquâ regiâ solutum variis olim admiscebatur tincturis, & panaceæ instar contra plurimos morbos commendabatur; verum ejus usus medicus nunc eviluit, & auri bractea tantum pilulis obvolvendis adhibetur hodie, ut palato ac oculis sint gratiores.

Vomitum alvumque moventia, diluentia, obvolventia, absorbentia terrea, sales alcalini aquâ sufficienter diluti, vera auri aquâ regiâ soluti antidota sunt.

Aurum fulminans, cujus tragicos effectus Rivinus, Stahlius, Hoffmannus, aliique viderunt, sulphuris vel salis marini spiritu adjecto enervatur.

Cum aurum purum nullo cibi potûsve genere solvi possit, illi diutiùs etiam aureis vasis, sine corruptelæ metu asseravari queunt; verùm non rarò aliquid argenti vel cupri admistum est auro; unde ex eo consecta vasa haud semper tuta sunt: electrum veterûm ex auri partibus quatuor vel quinque & argenti purissimi parte una constabat.

Aurum purum ingestum non, nisi

mole, figurà, pondere nocere potest: ubi illud vel vitrum, vel adamas, aut aliud corpus merè mechanicum, seu nullo menstruo in corpore animali solvendum ingessit aliquis (a), jubent nonnulli multos cibos assumere, atque dein excitato vomitu corpus mechanicum cibis quasi inclusum eliminare tentant; verum metus est, ne illud violento ac celeri motu agitatum ventriculum atque œsophagum graviter lædat, imò ipsam mortem inferat : quam periculosum sit (ait illust. van-Swieten) repleto ventriculo validum excitare vomitum, fatis patet ex tristissimo illo casu nobilissimi Baronis De Wassenaer, Reipublicæ nostræ Architalassi, cui post maximos vomendi conatus œsophagi tubus prope diaphragma abruptus fuit, unde post intolerabiles cruciatus miserrimè periit.

⁽a) Talia infortunia inprimis manent illos, qui, neglectà masticatione, appositos cibos nimis avide vorant.

Ex his ergo intelligi potest summa hic prudentià opus esse, neque festinanter in hac re, ut in plerisque agendum; centenis observationibus constat corpora mechanica diù in ventriculo & intestinis hæsisse sine noxâ, ac tandem per varias corporis partes vel spontè, vel casu exivisse feliciter; quapropter prudentius agunt, qui obvolventia, Inbricantia oleofa aut mucilaginofa per os anumque immittunt, olera mollia, idque genus alia exhibent, ac reliquum opus officiosæ naturæ committunt : sic anno 1675 D. Vaillant medicinæ Doctor, ac Regis Galliæ Antiquarius, quem prædones navigantem insequebantur, timens ne in rapaces eorum manus decideret, numismata aurea viginti, quæ secum habebat, glutivit, exque iis quædam in Galliam redux fumtâ spinachiâ feliciter reddidit alvo.

Minime quoque despicienda sunt Balnea tepida, non secus ac cataplasmata,

AA

sotus & linimenta, quæ iisdem viribus pollent.

Quid conferat sanguinis missio, si ægri sint plethorici aut inslammationi obnoxii, nemini sane haud obvium.

Alia de re merè chirurgica hic non subjicio, ne salcem in alienam messem videar immissse.



to preside a gracia de la cuella se aus

ARGENTUM. LUNA CHYMICORUM.

METALLUM est persectum, album, splendens, post aurum ductilissimum, post cuprum maxime sonorum, durum valde & elasticum, difficulter susile, admodum sixum.

Argentum rarissimè purum, ast serè semper cum cupro mixtum occurrit; undè intelligitur cautè vitandum esse, ne in vasis argenteis acida aut acescentia, imò & merè aquosa diù stagnent. Novi, ait celeb. van-Swieten, optimum & sincerum vinum in phialà argenteà clausà servatum pessima mala produxisse, dum potaretur: illud autem non ab argento sactum suit, sed à cupro, quod in ustensilibus ex argento paratis semper

adest. Phialæ enim illius argenteæ superificies interna ærugine obducta invenie-batur, dum in causam horum malorum inquirebatur.

Ut vasa cuprea stanno, sic argentea intrinsecus auro ritè sunt tegenda: ob memoratas rationes eædem quoque cautiones adhibendæ, quæ in æneorum vasorum usu præscriptæ sunt; neque etiam alia hic antidota requiruntur, quàm quæ ærugo postulat.

Argentum spiritu nitri solutum, aut sactà dein evaporatione in crystallos & lapidem infernalem conversum, acerrimum, amarissimumque venenum est, ac potentissimum causticum.

Diluentia ac obvolventia, sed præsertim sapo venetus, sales alcalini (a)

⁽a) Ubi sapo venetus, sales alcalini & terrea absorbentia tanquam antidota præscribuntur, hæc, si ad
manum sint, illis sunt præserenda; alcalini enim sales
cum acidis in salem neutrum transeunt, muco spoliatas, erosas aut inflammatas partes salino stimulo lædere
aptum.

aquâ soluti, terreaque absorbentia veneni hujus caustici vires penitus enervant.

Hæc quoque conveniunt, ubi hydragogum argentum Boylei vel Angeli salæ
remedium amarissimum ac rodens, nimis
largâ dosi exhibitum suit.

Si pulsus vigeat, venæsectio proficua censetur, ut præcaveatur inslammatio, vel leniatur, si jam adsit. Anodina verò, non, nisi in fine urgentibus acerbissimis cruciatibus, & veneno jam expulso, aut maximam partem enervato, danda; dolorem enim tollunt, non verò ejus causam.

Si œsophagus, ventriculus & intestina acri veneno sint exulcerata, optimam alimoniam suppeditant lac, ova sorbilia atque id genus alia; verùm in eorum usu pergendum erit diù & donec pristina redierit sanitas (b).

⁽b) Ne sæpiùs eadem dicenda sint, id ante omnia scire convenit, has cautiones in usu venæsectionis,

Debilitatem ventriculi à memoratichy dragogi abusu ortam, rob baccarum juniperi sanare magnus Boerhaavius scripsit.

anodynorum, ac alimoniæ post quæcunque venena sumpta semper esse necessarias.



Thomas notos an

Aminovinco

inles acidi. Sengen

skinly and monightes nices a rouly

CUPRUM. VENUS CHYMICORUM.



METALLUM est impersectum, coloris rubicundi splendentis, omnium maxime sonorum, solo serro duritie ac vi elastica inferius, post aurum & argentum maxime ductile atque malleabile, tritum inter manus odorum, in omnibus sere menstruis solubile.

Ex zinco aut lapide calaminari, aliisve substantiis zincum continentibus, cupro junctis conflatur æs factitium slavum, aurichalcum nominatum.

Aqua, olea pressa, spiritus & succi vegetabiles acidi, &c. cuprum corrodunt, ac in æruginem seu viride æris convertunt.

Ex acido vitriolico & cupro componitur sal metallicum, coloris cyanei, vitriolum cæruleum, cupri aut veneris dictum.

Ex spiritu nitri & cupro quoque conficitur metallicum sal cyanei coloris, vitriolum cœruleum haud propriè appellatum.

Spiritus salis marini, aqua regia, sal ammoniacum, oleum tartari per deliquium, spiritus volatilis alcalinus cuprum quoque solvere nata sunt.

Magnum mortalium numerum immaturæ morti quotannis tradit frequens hujus metalli usus; quare suspecta & exosa merito prudentioribus sunt vasa ænea, cibo aut potui præparando continendove destinata.

In officinis medicamentariis non rarò divenditur tamarindorum pulpa, adjecto aceto aut aquâ in magnis ahenis sine calore & negligentiùs præparata, ac ærugine infecta; nitida cultri lamina

in eam aliquamdiu immersa præsentiam cupri colore manisestat. Laudanda summoperè illorum pharmacopolarum prudentia est, qui pulpam siliquis adhuc inclusam emunt, ac, ubi usus requirit, extrahunt.

Egrorum saluti consulunt illi, qui alembicos æneos, intùs stanno non probè obductos, aquis, præsertim acidulis, distillandis adhibent; hæ aquæ quandoque virescunt, ac sapore nauseoso, vomitu, dysenterià, aliisve symptomatis virulentiam suam nimis serò manifestant. Salis ammoniaci spiritus ejusmodi aquæ instillatus saphirino colore cuprum prodit: hæc quoque methodus in oleis stillatitiis, spiritu vini rectificatissimo prius solutis, cuprum deteget.

Monendi quoque œnopolæ, acetique concinnatores sunt, ut lignea aut ferrea, potius quam ænea, epistomia vinis acetisve transfundendis adhibeant.

Detestanda est illa coquorum male sana industria, qui cucumeres immaturos in vas æneum demittunt, superinfundunt acetum, quod eos contegat, atque ita coquunt, sicque dein per noctem in ipso vase relinquunt, ac veneno inficiunt, ut, quali colore recentes sunt eodem in epulis appositi spectarentur: hac in re, ficuti in aliis multis, prudentiores nobis erant Lacedamonii, qui coquos nullos alios, quam carnium admittebant, & reliquos tanquam luxuriæ ministros, ac sanitatis vitæque perniciosissimos hostes è civitate pellebant. Salubrem benigna terra largitur cibum, vasa coquinaria venenum ministrant.

Illud unum addo, medicamenta intùs fumenda in mortariis æneis nonnunquam teri ac misceri, particulisque cupri contaminari.

Ab ære, aurichalco, ærugine, vitriolo cæruleo, aliisque similibus cupri præparatis, unà cum cibo, potu aut medicamento intùs sumtis horrenda sæpè oriuntur symptomata; nempè sapor valdè nauseosus, ariditas linguæ ac saucium, sitis ingens, ventriculi & intestinorum dolores acerbissimi, enormes vomitus ac alvi sluxus, aut inanes & frequentissimi nisus reddendi alvum, urinæ suppressio pertinax, anxietas summa, spirandi dissicultas, vertigines, capitis dolor, phrenitis, inslammatio ac ulcera ventriculi & intestinorum, intumescentia totius corporis, convulsiones; hanc denique slebilem tragcediam lethum sinit.

Eadem ferè omnia symptomata inducit cuprum in sale alcalino volatili aut sixo, vel in salibus neutris solutum.

Artifices cuprum frequenter tractantes capillos non rarò virides habent, vertigine, nausea, vomitu, tussi sicca, ulceribusque pulmonum laborant, & excrementa viridia nonnunquam alvo reddunt.

Ubi quis cibum potumve cupro in-

fectum, vel æruginem solam, vel vitriolum cæruleum assumsit, vomitus,
si spontè non succedat, irritatione saucium mechanica protinus concitandus,
aqua tepida pura, mucilanes, lac vaccinum, amygdalarum aut olivarum oleum
recens pressum, butyrum non salsum,
atque id genus alia, una cum putaminibus ovorum, creta, aliisve absorbentibus terreis assatim haurienda: ea enim
sessimanter, vel opportuno tempore per
os anumque ingesta venenum expellere
ac enervare, ac ita hominem ex orci
saucibus eripere valent.

Prætereà minimè despicienda sunt linimenta, fotus ac cataplasmata emollientia, abdomini præsertim admovenda, nec non balnea calida.

Si cuprum in sale alcalino volatili, aut sixo solutum, nimis magna copia ingestum suerit, amygdalarum aut olivarum oleum sine adjectis absorbentibus adhibendum erit.

Viribus ægri multum imminutis, dari poterit vinum generosum solum, aut, si cuprum in ventriculo intestinisve adhuc hæreat, cum absorbentibus terreis mixtum; hoc enim in casu ab acidis ac acescentibus omnibus sedulò abstinendum esse haud ignorant chemiæ per riti.

Tremorem post alia remedia adhibita remanentem aquarum thermalium sulphurearum potus tollit; maximè tamen si eodem tempore haud negligantur ex iis parata balnea & irrigationes ab alto.

Nunc superest, priusquam manum è tabulà amoveamus, ut breviter adjungamus cautiones necessarias iis, qui memoratorum vasorum usui nolunt renuntiare.

Aurichalcum mero cupro præserendum; vasa enim ex illo sacta, quia minus cupri continent, aliquandò minus nociva funt; neque etiam acidis tam facile folvitur quam cuprum.

Vasa intùs stanno purissimo probè obducenda sunt; solent non rarò lebetum fabri stannum cum plumbo miscere, eâque miscelâ vasa ænea intrinsecus obducere, itaque veneno venenum tegere, ac colicæ saturninæ aliisque morbis dare originem.

Cibus aut potus in his vasis nunquam servari, verum simul ac ebulliit, in vas sictile, vitreum, aut id genus aliud, transfundi debet, ne diutius stagnans venenata cupri qualitate imbuatur: vasa enim stanno purissimo obducta, licet minus periculosa, non tamen omninò tuta sunt; puncta millena stanno non obducta, armatis microscopio oculis facilè conspiciuntur.

Coquinaria arma post usum quotidianum illicò expurganda atque siccanda. Crusta lapidea, quâ aqua cucumæ æneæ superficiem intits obducit, minime tollenda est: impedit enim, quominus aqua, aliique liquores metallum solvere possint.

Tandem inspectores eligere conveniret, qui obscenatorum culinas cellasque inopinatò intrarent, vasa ænea, an stanno ritè obducta ac nitida sint, viderent, violatæque legis reis gravem irrogarent mulctam.



FERRUM. MARS CHYMICORUM.

و المار الما

METALLUM est communissimum, durissimum, minus præ reliquis dustile ac susile, maximè elasticum, quodammodo sonorum, igne ac tritu candescens scintillasque projiciens, facilè in quovis acido solubile, facillimè rubiginem contrahens, magneti amicum.

Ferrum acido sulphuris solutum & crystallisatum vitriolum martis, seu vitriolum viride nominatur.

Sæpissimè evenit, ut vitriolum viride cupri aliquid in se contineat & eadem ac vitriolum cæruleum inducat symptomata; quâ de causa, nonnisi vitriolum martis sactitium ad usus medicos adhibendum est, quod rariùs ingreditur cuprum.

Si in aquosam vitrioli solutionem nitida ferri seu cultri lamina aliquamdiù mergatur, cupri particulæ, si adsint, protinùs in conspectum venient.

Martialia homini saluberrima, intempestivè aut nimis magnà dosi sumta
oris siccitatem, capitis ac ventris dolorem vehementem, vomitum, sebrem,
inflammationem totius corporis aliaque
mala inducere possunt, quæ à nimià
rigiditate, nimisque accelerato aut majori
solidorum sluidorumque motù oriuntur.

Sunt ructus quoque nidorosi, alvique excrementa nigricantia assumti ferri indicium.

Ubi ferrum in pulverem redactum, aut acido vegetabili, mineralive solutum in ventriculo ac intestinis adhuc hæret, id protinus vomitum alvumque moventibus expellendum, aquosis & obvolventibus, nec non terreis absorbentibus, salialibus alcalinis sixis aquâ sufficienter dilutis, sapone veneto aquâ soluto, id-

que genus aliis ingestis enervandum est.

Orgasmo, febri, inflammationi, aliisque malis à nimis accelerato aut majori solidorum sluidorumque motu oriundis phlebotomia, alvi ductio, humectantia, temperantia, refrigerantia; aqua nempe hordei vel orizæ, emulsiones nitrosæ, &c. occurrunt.

Quando verò, ait Boerhaavius, integra fragmenta ferri quis devoravit, tunc conveniunt acida; ipse puellum sanavi, qui aciculam deglutiverat, solo aceto aquâ temperato; nam acetum cuspidem ferri arrodit & obtundit: & alio tempore ancillam pariter servavi, quæ magnam acum in ventriculum dimiserat. Non timendum est in his casibus acetum, etsi fortè paulum noceat.

Salis & vitrioli spiritus serrum quoque, ast cum vehementi esservescentia, dissolvunt; unde, ubi assumtum est illud, non, nisi caute adhibendum his acidis est.

PLUMBUM. SATURNUS CHYMICORUM.

Est metallum infimum, mollissimum, maximè malleabile, minimè sonorum, coloris ex cœsio grysei, post aurum & hydrargyrum gravissimum.

Plurimæ occurrunt compositiones saturninæ, quarum omnium usus internus nunquam tutus, externus sæpè salutaris, aliquando verò periculosus est.

Quidam haud infimi subsellii medici, uno alterove non infelici successu decepti, usum plumbi internum non modò innocuum, verum etiam salutarem esse malè crediderunt: Quod centies detrimentum attulit, & semel iterumve sortè fortunà, aut benignæ naturæ industrià utcunque non nocuit, aut etiam profuisse videtur, erit cane pejus & angue fugiendum.

Plumbum occultas hominum, quadrupedum aviumque fanitati ac vitæ struit insidias; saporis dulcedine fallit incautos, ac lentâ crudelique morte homines tollit.

Turpis amor nummi ann. 1695 & 1696 in urbe Ulmensi nonnullos impulit ut vina acida adjectis mangonizarent saturninis, ac ita venesici publici munere execrando in benè moratà cæteroquin civitate sungerentur impunè (a): clandestina eorum fraus facilè detegi potuisset oleo vitrioli rectificato, vino instillato, quo sit ut vinum saturninis adulteratum turbetur ac lacteum colorem induat, plumbumque in eo solutum fundum petat.

⁽a) Ubi vina acida funt emendanda, nostrates œno-

Si ejusdem vini, plumbo adulterati libra una aut altera subdito igne in vapores dissolvatur & dissipetur, substantia residua vasculo ad id apto infundatur, sebi paululum adjiciatur, atque ita debito ignis gradu liquetur, obtinebitur plumbum facilè conspicuum.

Ubi non multis abhinc annis contagiosus morbus ingentem boûm & vaccarum in Belgio cædem edebat, agricolæ augendi ponderis causa butyrum cerussa adulterabant: fraus detecta suit atramento sympathetico adjecto, quo butyrum illud suscum & subnigrum, ac quasi cænosum reddebatur.

Ita mercatores extranei solent nonnunquam cum oleis rancidis cerussam miscere, eaque pro olivarum vel amygdalarum oleo recens expresso incautis vendere.

Memoratum atramentum fympatheticum fequenti modo conficitur.

R. Pulvis auripigmenti unc : j. calcis

vivæ unc: ij. misce & coque in aquæ pluvialis purissimæ unc: xii. dimidiæ horæ spatio, decoctum refrigeratum percoletur, & in phialis ritè obturatis servetur usui.

Si liquor ille probatorius aceto lithargirii instilletur, illudque statim nigrum siat atque turbidum, habebis non incertam ejus bonitatis notam.

Jubent autores guttas aliquot atramenti sympathetici unciis duabus aut
tribus vini instillare; si hoc siat rubrum
vel suscum, vel nigrum atque turbidum, vinum saturninis adulteratum esse
contendunt; ubi verò lactei coloris nubecula apparet, vinum asserunt meracum esse.

Erat olim in Gallia pulvis ex saturni saccharo, &c. uti volunt, compositus, ac multarum etiam nobilissimarum stirpium cæde infamis, quem scelestissimi homines clanculum esculentis adjiciebant, ut præmatura consanguineorum

morte hæreditates consequerentur. Ubi similis horrendi sceleris suspicio adest, mox consugiendum ad memoratum atramentum sympatheticum, aut melius ad evaporationem chemicam seu ignem: cum enim liquores probatorii quicunque nonnunquam insidi sint, chemicus ignis fraudi detegendæ aptior est, quo vel plumbi calx, vel sal saturni, vel plumbum ipsum facilè in conspectum venit.

Si panis quoque cerussa adulterati medulla minutatim concidatur, cum sluxu nigro (a) misceatur, & suspini in crucibulo committatur impia fraus haud diù latebit.

Ubi mercurius plumbo ac bismutho adulteratus congruo ignis gradni exponitur, tum manent duo ultima sola in sundo vasis conspicua.

⁽a) Fluxus niger conficitur ex nitri parte una & tartari crudi partibus duabus, vel tribus, contritis ac commixtis, & non fimul & femel, fed partitis vicibus in crucibulum candens immunis & detonatis.

Periculosum est oleosa, acida aut acescentia in vasis etiam sicilibus vitro ex plumbo obductis diutius servare, vel cibos, potus, aut medicamenta, intus sumenda in vasis plumbeis præparare: illustrissimus van-Swieten integram samiliam paralysi laborasse vidit, dum ad culinares usus adhibebatur aqua in magno receptaculo plumbeo collecta & diù hærens.

Est etiam mala consuetudo aquâ & minutissimis pilulis plumbeis lagenas purgandi; evenit nonnunquam, ut plumbi particulæ vino, in lagenis sæpe residuo, solutæ, vel violentâ agitatione abrasæ, intrinsecus adhæreant lagenæ, sicque vinum posteà insusum temerent veneno; tutius foret in eundem usum sactis ex stanno purissimo pilulis uti.

Cinnabaris pulvis à mercatoribus lucri avidis non rarò divenditur minio adulterata; si prunis inspergatur, mercurio per atmosphæram dissuso in conspectum venit plumbum: huic fraudi quoque occurritur, si loco pulveris eligantur frusta, rubini instar pellucida, aut sibris ornata splendentibus.

Sunt qui pro mercurio præcipitato rubro quoque minium vendunt, cujus indicium est, si pulveris ejus pars una cum sluxus nigri partibus duabus mixta susorio igne commutetur in plumbum.

Admonendi periculi sui convivæ sunt, qui simul cum prædâ venaticâ plumbeas pilulas minutissimas, in illâ non rarò latitantes, soliti sunt devorare; in ephemeridibus germanicis exemplum habetur viri cujusdam, qui postquam pilulas plumbeas devorasset, facti pænas dedit acerbissimo dolore cardialgico, haud dissimili ei, quo opisices plumbum pertractantes cruciantur.

Graviter quoque læduntur pictores, infectores, pharmacopolæ, typorum dispositores, figuli, fossores, aliique multi, qui saturnina tractant, aut eorum

corum vaporibus exponuntur, eosque unà cum aëre pulmonibus, aut cum salivâ, cibo potûve ventriculo recipiunt. Hinc intelligitur quam malè sanitati ac vitæ suæ consulant illi, qui soco lignis, colore saturnino obductis, extructo assident; improvidus olitor incensis vetustis horti cancellis, cerussa obductis, calesecerat surnum; ex novem hominibus, qui panem in eo coctum sumserunt, perière duo; reliqui septem colica saturnina laborarunt atrocissima, ast cura celeberrimi medici Combaluser optatam salutem recepère.

Non minus in salutis discrimen adducuntur, qui in ædibus pigmento saturnino recenter obductis morantur.

In medicorum monumentis innumera quoque exempla prostant, ubi inunctio saturnina malè cessit, & subindè lethifera suit; desinant igitur assidui venustarum sormarum sectatores unguenta saturnina frictione in poros impellere, &

facies suas, deformes licet, venenata tegere larva.

Saturnina cibo, potui, medicamentis fraudulenter mixta, vel cum saliva îngestâ, aut una cum aëre ad pulmones delata, varia inducunt symptomata, qualia funt : sapor dulcis, siccitas oris, constrictio gulæ, ponderis sensus in ventriculo, appetitus ac virium dejectio, corporis pallor & marcor, anxietas præcordiorum, vertigo, animi deliquium, tussis, asthma siccum, singultus, nausea, vomitus, vigiliæ perpetuæ, cachexia, febris lenta, icterus, tremor, palpitatio cordis, dolores artuum nec non cardialgici ac colici intolerabiles, inflammatio, fæces alvinæ, ovillis stercoribus fimiles, introtractio abdominis, alvus ita stricta ut enema injici nequeat, ischuria, dysuria, contractura, amaurosis, aphonia, paralysis extremorum, sudores frigidi, tandem convulsiones lethales. The sound in another

Venæsectio rarò hic & tunc tantum locum habet, quando pulsus plenus est ac durus, vel inflammatio instat.

Verum numerofissimis atque accuratissimis observationibus constat emetica atque purgantia validiora, diluentibus præmissis, etiam post alia adhibita incassum, colicam saturninam seliciter debellasse; præsertim ubi turbæ ab iis excitatæ anodinis prudenter datis fedabantur : haud omnibus tamen profuisse experientia freti asserere minime dubitamus: horum usus inprimis vetatur, si debilitatis summæ, irritabilitatis nimiæ aut phlogoseos indicia adfint. Aliquando tutiùs adhibentur purgantia leniora ex manna, rheo, similibusque composita, quorum efficaciam adjecta magnefia alba, aliaque acidum absorbentia multum augent.

Mirabiliter prodest in medelà dolorum abdominalium chronicorum ac à saturninorum abusu productorum, saponis veneti cum sale tartari & rheo mixti usus diù continuatus.

Præter hæc per totum curationis curriculum opportunè injiciuntur enemata, è lacte, decocto althææ, verbasci, seminûm lini, oleo nucûm parata, quæ, ubi vires ferunt, adhuc essicaciora evadent, si colocynthis, vinum emeticum, aliave similia his immisceantur.

Oleum ricini dulce per os anumque immissum inter remedia exquisitiora haud immeritò à nonnullis deprædicatur.

Abdomini verò paroxysmi tempore fomenta aut cataplasmata emollientia admovenda sunt, aut demittendus æger in calidum balneum est.

In subsidium etiam haud improsperè vocantur decocta lignorum guajaci & sassaphras, radicum chinæ, sarzaparillæ, &c. inter enim exquisitiora remedia in morbis à saturninorum abusu oriundis recensentur. Poterius sigulum paralysi assectum decocto ligni sassaphras &

bacearum lauri brevi pristinæ saluti restituit.

His decoctis utiliter sociantur anti-

Ubi tremor aut paralysis adest, insigniter prosunt electrici succussus, nec
non frictiones universi corporis, maximè verò totius spinæ vertebrarum ac
abdominis, pannis laneis mastiches,
olibani, &c. Fumo saturatis sactæ,
mirè juvant etiam unguenta, emplastrave aromatica abdomini soli admota: in
subsidium quoque vocantur purgantia,
nec non aquæ martiales.

Si verò asthma, tussis sicca, similiave mala pulmones infestent, aquæ calidæ vaporem hiante ore frequenter excipere necesse est.

Sæpè inertia sunt omnia medicamina, ni in subsidium veniat recta vivendi norma, faustè adhibentur carnium jusquala, additis radicibus scorzoneræ, lactuca, aliisve blandè nutrientibus, ova

forbilia, lac, &c. ita cel. Werlhosius podagricos duos, partim ex materià arthriticà, partim ex colicà saturninà vinosà, omnium membrorum paralysi assectos, lentaque tabesactos sebre in integrum restituit lacteà diætà.

Vinum ex toto circumcidendum est, licet malum jam sileat: hoc enim, nec non cerevisia, aliaque acida & acescentia diù sopitos suscitant ignes: quare aqua selterana, vel simplex & pura sola, vel potius oleo tartari per deliquium medicata in usum vocanda.

Quando cubicula, ubi homines, aliave animalia vitam degere debent, coloribus faturninis recens funt picta; juvat vafa aquâ frigidissimâ plena in iis exponere, vel pavimentum aquâ gelidâ fæpiùs aspergere; aqua subdito igne in vapores redacta hanc infensissimam atmospheram adhuc citiùs emendat.

Ubi plumbi frustum in ventriculo aut intestinis hæret nimis magnum, quam ut educi possit, solutio ejus tentari potest hausto mercurio vivo, quo admixto plumbum molle atque friabile sieri chymicis non ignotum est: cel. Le Dran partem specilli plumbei fracti, ac in vesicam delapsi, per injectiones in eam sactas tam sluxilem reddidit, ut sacilè potuerit exire; arcanum celavit; mercurium vivum suisse injectum credunt aliqui.

Referunt experientissimum Sharp amalgama ex argenti vivi uncià unà & Bismuthi drachmà dimidià in vesicam injecisse atque ita solvisse plumbum in eà hærens; ast cautè utendum Bismutho, cui non rarò arsenicum admixtum est.

Instrumentum huic rei aptum accurate descripsit doctissimus Hevermann, in collectaneis berlinensibus, quæ medicinam, historiam naturalem, &c. tractant.

Scire etiam oportet mercurium vivum per os ingestum pessima nonnunquam symptomata debellasse, à salis saturni abusu producta.

Fugato morbo, remanenteque debilitate, proficua & necessaria censentur equitatio, peregrinatio, remedia tonica, martialia, aquæ spadanæ, vel aliæ similes solæ, aut cum laste juxta normam medicam epotæ.

vivum fuiffe incellum cre-



and a maintain maintain and a color

20

wesnessing and pelling nonning to 190

STANNUM, JUPITER CHYMICORUM.

METALLUM est impersectum, omnium levissimum, album, resplendens, molle, sonorum.

Licet ejus usus internus contra vermes, phthisin, aliosque morbos à celeberrimis medicis præscribatur, cum tutiora possideamus remedia, huic tamen
haud nimiùm sidendum: nonnunquam
enim cuprum, ast sæpiùs plumbum admistum habet.

Ex his patet salem marinum, confectionem sinapis, acetaria, aliave similia, nunquam in patinis aut vasis stanneis, sed in sictilibus, aut melius vitreis esse apponenda. Ubi post stanni usum quædam oriuntur mala, pro ratione symptomatum, ad cupri vel plumbi antidota consugiendum est.

YMICORUM



Ex his paret faiern marinnen, ernflich

tionem finapis, acetaria, aliave fimilia,

nuncinamin patinis aut vafis flancois,

fed in ficilibus, aut meling vincis offen

appenenda.

ARGENTUM VIVUM.

MERCURIUS CHYMICORUM.

Est liquor mineralis, opacus, manus non madefaciens, coloris argentei, post aurum & platinam gravissimus, in igne volatilis.

Mercurius vivus antiquitus pro veneno habitus fuit; nunc verò multiplici
experientià constat magnam ejus copiam
sine noxà devorari posse; à diuturno
tamen ejus usu interno abstinendum esse
prudentia docet; tremorem enim in
artubus, & impotentiam in pedibus relinquere observatione Hossmanni constat.

Argentum vivum externæ corporis viventis superficiei per linimenta, emplastra &c. imprudenter applicatum non rarò inducit anorexiam, sitim, oris

fætorem cadaverosum, febrim, gingivarum, linguæ, palati, tonfillarum, labiorum, genarum tumorem, dolorem, calorem, inflammationem, ulcera alba dolentissima, gangrænam, sphacelumve; copiosum diu noctuque viscidæ salivæ effluxum, tumorem capitis immanem unà cum oculis turgidis, prominentibus, sanguineis; dentium anteà sanissimorum dolorem, cariem, lapsum; totius sanguinis dissolutionem, debilitatem summam, animi deliquia, stuporem, paralyfin, claudicationem perpetuam, tumorem crurûm hydropicum, sævissimam cardialgiam, vomitum, alvi fluxum aquosum olidissimum cum acerbissimis torminibus; anevrismata, hæmoptisin, aliasque hæmorrhagias, atropiam, maxillarum, aliorumque oris ac nasi ossium cariem, diras anxietates, respirandi difficultatem, suffocationem, aut convulfiones lethales.

Luctuosissima exempla mortis ab

inunctione mercuriali inductæ profert

Argentum vivum per inunctionem corpus ingressum, in majores globulos aliquando coit, ac in ossium cellulosis recessibus, nec non in aliis corporis partibus sub nativa forma sua reperitur.

Mercurius vivus ignis vi in vapores resolutus, chemicos, metallurgos, inauratores &c. sæpè afficit tremore, vertigine, epilepsià, paralysi, cæterisve symptomatis ab immoderatà hydrargyrosi solitis produci.

His etiam infortuniis expositi sunt sani æque atque ægri, qui in eodem loco morantur diutiùs, in quo alii frictionem mercurialem subeunt, atmosphæramque inficiunt mercurialibus atomis. Doctissimus Chirurgus Goulard mentionem facit militis scorbutici, in eodem decumbentis loco, ubi plures ægri hydrargyrosin subibant, qui post immanem capitis tumo;

rem, ingentem ptyalismum, oris interni ulcera, gangrænam miserè periit.

Solo diuturno motu tremulo mercurius vivus in pulverem nigrum corrolivum convertitur; idem congruo ignis gradui diutius expositus, mutatur in pulverem rubrum, saporis acerrimi metallici, nauseosi, corpus humanum diù ac validè turbantem.

Mercurius sublimatus corrosivus duleis; præcipitatus ruber, albus, turpethum minerale, aliaque ex argento vivo & acidis mineralibus composita, largiori dosi data, immodicis evacuationibus, inslammatione, gangrænâ, convulsionibus &c. celeriter necant; minimâ verò copiâ, nimisque repetità ingesta, eodem modo, quo immoderata hydrargyrosis lædunt.

Turpethum minerale naribus tantummodo attractum sudores, vomitum, alvi fluxum, urinas, ptyalismum, lacrymas unà cum capitis ingenti tumore movisse Boyleus refert. Mercurius sublimatus corrosivus, qui inter venena mineralia sortissima militat, haud sine circumspectione externis etiam corporis partibus applicandus est, ut inter alia testatur tristissimum exemplum à Degnero allatum, matronæ ab applicatione mercurii sublimati in emplastro doloribus intolerabilibus, convulsionibus, vomitionibus, faucium ingenti tumore, salivatione, miserrimè excruciatæ & mortuæ tandem.

Dum mercurium sublimatum consiciunt chemici, ab ejus vapore graviter nonnunquam læduntur; oculis naribusque receptus pessimas ophthalmiâs, violentasque sternutationes inducit, ubi verò fauces, asperam arteriam, pulmonesque tangit; tussim, respirandi dissicultatem summam, phthisin affert, aut suffocatione subitò necat.

Præsentiam mercurii sublimati corrosivi, liquore quodam soluti manisestant sapor metallicus austerus, nec non pulvis

Prompium

lateritii coloris, aquâ calcis recens præparatà, eique affusa præcipitatus.

Recensitis jam infortuniis, quæ mercurialium abusui originem debent, remedia nunc exsequar, orsus ab iis, quæ mercurii acidis mineralibus juncti sævitiam domare sunt nata.

Aqua pura tepida, salia quæcunque solvit, diluit, enervat & per varias corporis vias educit; hinc omnium salium maximè generale antidotum rectè censetur: hujus præstantia in venenis salinis diluendis & enervandis consirmatur exemplo servi, ex amore melancholici, non modicam mercurii sublimati corrosivi sumentis quantitatem, & solà aquâ tepidà assatim haustà, ac ad modum enematis injectà, curati. Vid. Sydenham epist. prim. responsor.

Spiritûs vini parum aquæ posset admisceri; illo enim mercurium sublimatum corrosivum faciliùs solvi inter alios observavit Ill. van-Swieten.

Promptum ac certum auxilium ferunt putamina ovorum, ostracodermata, lapides cancrorum, magnesia alba, creta, aqua calcis, aut fales alcalini volatiles aut fixi tantâ aquæ copiâ soluti ac diluti, ut acrimonia sua nocere nequeant, ac tempestive, antequam venenum tunicas corroferit, ingesti: in hunc sensum venit lixivium ex aquâ & cineribus ubique obviis præparatum. Eadem remedia partibus externis similiter læsis utiliter quoque applicantur : inter plures historias, quas Wepferus collegit, habetur casus, qui hoc confirmat. Memorabile est, inquit, quod tradit Cl. D. Kunckelius: nimirum cuidam tenellæ ætatis contra pediculos fuafum fuit linimentum:

R. Mercurii dulcis drachm: j mercurii vitæ scrup: j unguenti pomat. unc: j; pharmacopœus imperitus loco mercurii dulcis permiscuit mercurium sublimatum corrosivum: inde caput valde intumuit cum inflammatione, ut brevi infanti

pereundum suisset, nisi à medico intellexisset præsentem antidotum lixivium sorte esse; quo cum linteo applicito, brevi convaluit; ita tamen ut capilli deciderint.

Summas laudes etiam merentur lac, olea blanda ex seminibus farinaceis maturis recenter expressa; adeps, butyrum insulsum, aliaque similia, magna copia hausta & in anum injecta: hæc enim accerrima venena involvendo & obtundendo, erofas œfophagi, ventriculi, intestinorum tunicas investiendo & contra falinos stimulos muniendo, constrictas validissimo spasmo partes laxando, plures fausto bearunt eventu : solis tamen demulcentibus & incrassantibus, tametsi diuturno usu comprobatis, minime fidendum est; sed memorati sales alcalini, aut potius terrea absorbentia simul in usum vocari debent, antidoti specifici titulo verè digna.

Jure quoque celebratur urina vaccina

aut equina, affatim haurienda, aut partibus læsis extrinsecus admovenda: notare expedit has urinas colorem syrupi
violarum in viridem convertere, cum
acidis effervescere, atque mercurii acidis
quibuscunque juncti vires potenter enervare: inustatum hoc antidotum, etiamsi
vile videatur, minimè rejiciendum,
nulla enim aspernanda medicina est, quâ
sanitas recuperatur, aut vita redimitur.
Cum maximum periculum sit in morâ,
plura antidota nosse oportet, ut, alia
dum desunt, mox alia substitui possint.

Inter hæc quoque utile erit pennâ intra œsophagum adactâ vomitum sollicitare, atque ægrum in balneum calidum demittere.

Memorata remedia pro varia partium fensibilitate plus minusve diluta, ac illicò applicata, avertunt imminentes oculorum inflammationes, cohibentque sternutationes violentas, à salibus mer-

curialibus, oculis naribusque imprudenter admotis, productas.

Ubi aliquis vaporem mercurii sublimati incautus inspiravit, remedio est salis ammoniaci aut cornu cervi spiritus, aquæ calidæ vapore temperatus, & quamprimum cum aëre ad pulmones delatus.

Ubi demum post ingentes evacuationes prægressas, summa virium desectionadest, aliquid vini generosi, absorbentibus suprà scriptis saturati, utiliter exhibetur.

Hactenus mercurii acidis mineralibus juncti antidota exposui; nunc ad ea veniam, quæ symptomatis à mercurio, quâcunque ratione exhibito, oriundis occurrunt.

Si plethora, febris, gingivarum, linguæ, palati, tonsillarum, labiorum, genarum, totiusque capitis tumor, dolor ac inflammatio mercurialium usum comitentur; venæsectio instituenda, ac pro febris vehementià, inflammationisque gradu repetenda; alvus libera servanda, victus tenuis & antiphlogisticus imperandus; nitrum præscribendum.

Ubi tumens summopere lingua suffocationem minatur aut gangrænam, prosunt hirudines ei assixæ, aut scarisicationes sacæ in illâ.

Molestissimum diu noctuque viscidæ salivæ sluxum, leniora clysmata, purgantia mitiora prudenter data, slores sulphuris, atmospheræ calor temperatus, balnea tepida sistunt; prosunt hæc magis, quàm camphora ab aliquibus magnoperè commendata; satis frequentia observata docuerunt ptyalismum camphora minimè compesci; hinc hujus remedii usus eviluit.

Ubi tota vis argenti vivi ad alvum ruit, atque diarrhœas ac dysenterias periculosissimas excitat, his nullo remedio tam citò, tam securè & tam essicaciter occurritur, quam opio ac remediis emollientibus & demulcentibus per os anumque ingestis, nec non sudoribus aëris ambientis calore aut stragulorum pondere provocatis.

Cum hydrargyrosis aliquem læsit, à frictione illicò abstinendum, tibialia, semoralia, indusia, lecti linteamina, cæteraque omnia unguento mercuriali conspurcata statim removenda, partesque inunctæ spongia saponis lixivio madente sollicitè detergendæ & abluendæ.

Vitæ & viribus prospiciendum est potu antiseptico, minimè inebriante, cibo facilè digerendo ex cremore oryzæ, hordei, avenæ, ex mollissimis oleribus, ovis sorbilibus, carne albâ & similibus, parcâ copia simul datis.

Tremori à mercurialibus orto enulæ radicis infusum aut essentia medetur: sed nil fortè essicacius reperitur, quam cortex peruvianus cum sulphuris sloribus mixtus; cæteris enim incassum adhibitis præsidiis, plures inauratores

tremore liberasse hoc solum remedium multiplici experientià constat.

Cachexiam, tussim cum sebre purisque sputo ac sudoribus colliquativis, hæmorrhagias varias, oris ulcera, aliaque mala chronica à mercurialium abusu inducta, corticis peruviani nec non decocti turonûm pini russici usus diuturnus omnium tutissimè curat.

Paralysi medentur flores arnicæ, electrica vis, frictiones &c.

Chief elither ong, amuinting sigh



quin criara anno 1406, tupremus tenda

tus in gallity edicto vacuat, no quis co

manufactures police of the production of the pro

noo remedium (a mala full) tione libera-

contempositoli, idibam imimpolologameno-

ANTIMONIUM. STIBIUM STRIATUM LINN.

Est corpus minerale sulphureo-se-mimetallicum, durum, ponderosum, friabile, obscurum, splendentibus tamen striis distinctum, igne volatile, valde rapax.

Antimonii pars semimetallica, à sulphure superabundante chemica operatione separata, regulus antimonii nominatur.

Stibium olim pro veneno habitum suit; quin etiam anno 1566 supremus senatus in galliis edicto vetuit, ne quis eo uteretur; postea verò præstantissimum hoc remedium à mala suspicione liberarunt celeberrimi medici, idcircò memoratum edictum abrogatum fuit annis

Prudenter tamen adhibendum est; antimonium enim ac varia ejus præparata
incautè sumta, sæpè post vomitus &
alvi sluxus enormes, ventris tormina
intolerabilia, diras anxietates ac corporis jactationes, hæmorrhagias, convulsiones, ventris inslationem summam;
ventriculi & intestinorum inslammationem, erosionem, gangrænam &c. homines etiam robustissimos tollunt.

Uladislaus quartus poloniæ rex incautè sumto antimonii vitro è vivis suit sub-latus. Grana octo vitri antimonii in substantia exhibiti, post vomitus ingentes, dolores intolerabiles, ventriculi inslammationem nec non convulsiones, lethum intulisse in Hossmanno legitur.

Antimonii butyrum seu oleum acrimoniâ suâ longè superat quæcunque alia stibii præparata; vi enim corrosivâ partes corporis vivi, quas tangit celerrime destruit ac in escharam convertit:
ubi illud aliave medicamenta antimonialia præparant chemici, eorum quoque sumo sæpe graviter læduntur:
Ettmullerus narrat se in præparando
antimonii clysso, ejus exhalationibus
tactum, asthma contraxisse.

Plurimas hujus generis historias recenfere possem, si res postularet.

Tartarus emeticus liquore quodam folutus quandoque sub arcani titulo ad varios morbos sanandos à circulatoribus quamplurimò venditur: si hepar sulphuris ei adjiciatur, liquor siet turbidus, lateritii coloris, post brevem quietem sulphur auratum antimonii ad sundum demittens.

Tartarus emeticus non, nisi aqua destillata solutus, præscribendus est: evenit enim non rarò, ut aliæ aquæ terram contineant absorbentem tartarum emeticum natam enervare.

His cognitis, transeo ad remedia infortuniis ab antimonialium abusu non rarò oriundis apta occurrere: ante omnia verò scire oportet antimonii aut ejus reguli vires in primis viis sæpè obvio acido, aut extra corpus ei adjecto summoperè intendi, idcircò prudentiores medici stibium serè nunquam præscribunt, nisi absorbentibus mixtum.

Obvolventia ac lubricantia mucilaginosa, vel oleosa, cum absorbentibus terreis mixta, ore affatim hausta ac in alvum injecta, præstantissima antimonialium antidota sunt.

Hæc quoque remedia butyri antimonii extrinsecus corpori incautè applicati vires enervant.

Si dolor, inflammatio &c. abdomen occupent, linimenta, fotus, cataplasmata emollientia, ac balnea calida minimè prætermittenda sunt.

Pulsus plenus, tensus, frequens venæsectionis necessitatem indicat. Ubi verò quis venenatissimum antimonii butyri seu olei sumum ore ac pulmonibus recepit; remedio erunt spiritus volatiles alcalini, aquæ calidæ vapore temperati, per os naresque delati ad pulmones.

Tandem carnium juscula, ova sorbilia, vinum generosum, cui salis ammoniaci spiritus sit instillatus, nauseam & vomitum, absente inslammatione vel excoriatione sedant, viresque restituunt.



ARSENICUM.

Substantia est mineralis, ponderosa, venenatissima; volatilitate summa (si in carbones ignitos aut candens ferrum conjiciatur) nec non sumo albo, allium redolente, laminamque ferream albo colore obducente præsertim innotescens; ut sileamus de aliis indiciis hostem prodentibus crudelissimum, quæ passim numerosa in celeberrimorum virorum libris videri queunt.

Scire quoque oportet arsenicum aqua solutum, assuso hepate sulphuris aqua pura dissoluto, instar pulveris coloris citrini conspicuum reddi.

Operarii candelâ accensa in fodinas demissa experiuntur an vapores arsenicales adsint; slamma enim, quæ in vulgaribus mineris extinguitur, in arsenicalibus dilatatur.

Variæ sunt arsenici, tum nativi, tum sactitii species; sed tres præsertim, omnes plus minus venenatæ, sub albi, slavi & rubri titulis in officinis venales prostant.

Album ex diversis mineris, sed præsettim ex cobalto seu cadmià fossili, metallicà quæ ideo arsenici matrix audit, sublimatione educitur.

Flavum seu citrinum obtinetur, dum novem arsenici albi partes cum sulphuris una miscentur & sublimantur.

Rubrum, Realgar dictum, colore cinnabarin referens, ex arsenici albi partibus octo, & sulphuris duabus invicem sublimatis exsurgit.

Addere lubet fraterno vinculo his affine Arsenicum, Rubinum dictum, quod sulphur & arsenicum album, anatica quantitate invicem mixta, sublimatione

folità largiuntur; eodem quoque titulo infignitur arsenicum rubrum, convenienti igne liquatum, ac dein frigore concretum.

Non defuerunt, qui misellorum ægrorum vitam variæ periclitationis discrimini committere minimè veriti, temerario ausu arsenicalia adversus varios
morbos intrinsecus exhibuerunt : sed
clinicis de ægrorum salute magis sollicitis nequaquam placent hæc tentamina,
haud paucis infamia cladibus; quidquid
in contrarium adducant alii.

Haud inficiabor homines nonnullos arsenicum impunè sumere, atque quædam animalia eo sumto pinguescere; verùm illud minori arsenici quantitati, vel oleis, pinguedinibus &c. priùs assatim haustis adscribendum potiùs est: id inter alios proprio nos exemplo docuit Orvietus, olim per totum serè orbem malè celeberrimus; postquam enim coram numerosissimà hiante ore spectantium &

-initia

audientium turbâ, ut arcanum suum antidotum caro pretio venderet, poto priùs clanculum oleo, sæpiùs devorasset arsenicum absque damno subsequente; tandem, sumtâ majori arsenici albi dosi, violenta, ast non iniqua mors falsiloquo mendacem avulsit larvam: meritò hic exclamandum cum poëtâ

... Quid non mortalia pectora cogis,

Auri sacra fames?

Non furiosæ cupidinis opûm, sed imprudentiæ pænas luunt alii, qui suturi nimis improvidi arsenicum farinæ, carnibus, aliisve cibis admistum, canibus, selibus, gliribus, muribusque necandis præponunt; sicque propriæ vitæ insidiasæ arma tecta parant: animalcula enim illa non rarò arsenicum vomitù rejiciunt, eoque inficiunt alimenta, mundanâ vicisfitudine ipsis tum agressoribus sunesta.

Nec levi reprehensione digni sunt, qui formidabile omnique animalium generi inimiinimicum arsenicum inter domesticos pulveres reponunt: haud rarò enim evenit, ut gravissimo errore carissimis convivis pro cremore tartari, ceu optimo ciborum condimento, atrox obtulerint venenum.

Malè quoque infantibus dantur crepundia, arsenico rubro, minio, aliisve venenatis coloribus infecta: cuncta enim ori admovere atque lingere solent periculi ignari.

Nonnunquam arsenicalis compositios pro mercurio sublimato venditur, ac ita pessimè luditur de corio ægroti, nec non de samà medici. Vis fraudem hanc capitalem detegere? solve mercurium sublimatum in aqua destillata, liquori assume salis ammoniaci spiritum per salem sixum tartari expulsum: si mercurius sublimatus sit genuinus, statim liquor nivis instar albescet; si contra nigrescat liquor, nigrumque in sundo

vasis pulverem relinquat, erit signum mercurii arsenico adulterati.

Prudentiores pharmacopolæ, ubi extraneos mercatores adeunt, mercurium fublimatione in crystallos formatum pulveri præferunt, tanquam adulterationi minùs obnoxium.

Non reticendum etiam est, quòd carnes animalium abusu arsenici necatorum commedentibus nonnunquam suerint sunestæ: aribæ siliam, ad mortem tabesactam, quod gustasset carnem gallinæ arsenico peremptæ, in Amato legitur; hinc patet arsenicalibus minime congruere vetus illud italorum proverbium:

Morta la bestia, morto il veneno.

Extra oleas evagarer, si cunctos arsenici abusus in medium adducerem; cur missis aliis, recensebo symptomata, ab ejus usu perverso solita produci, ut ex illis aliisque suprà enumeratis indiciis invicem collatis, in soro criminali æquum de mortis causa judicium serri possit (a).

Igitur fymptomata seu indicia (b) arsenicum gustatum deglutitumve subsequentia sunt, sapor austerus, exspuitio frequens, vertigines; labiorum, linguæ, palati, saucium, œsophagi, ventriculi & intestinorum ardor, dolor acerbissimus, rosio ac inslammatio; febris, sitis inextinguibilis, nausea, vomitus assumtorum, crebri singultus, palpitatio cordis, virium desessio ingens; respirandi dissicultas, anxietates summæ, delirium, circulus lividus circa os & oculos, repentina corporis intumescentia; manuum ac pedum stupor; his accedunt priapismus,

⁽a) Arsenici alteriusve veneni exhibiti suspicio ulterius confirmabitur, si vomitu rejecta, aut in ventriculo intestinisve hominis præcipiti morte perempti reperta, cani data, eum enecent.

⁽b) Non in omnibus omnia eademque occurrunt symptomata; verum hæc pro ætate, temperie & viribus ægri, aut quantitate veneni assumti in variis varia sunt.

totius corporis convultiones; pulsus tardus, inæqualis, cutis pruritus ingens, icterus, maculæ rubræ, fætor oris, præsaga luctûs suspiria, mictus cruentus, sudores frigidi, gangræna aut sphacelus ventriculi & intestinorum ac nonnunquam etiam genitalium; ventriculi & intestinorum perforatio aut etiam erosio seu extenuatio talis, ut eorum membranæ folium papaveris vix superent crassitie, vomitus & alvi fluxus nigri, fœtidi, cadaverosi, capillorum defluvium, lypothymiæ, horum plerumque omnium malorum horrendum agmen claudit atra mors, quam epidermidis secessus & totius corporis putredo subitò sequuntur: verùm qui letho eripiuntur valetudinem deinceps vitream, nonnunquam febre hectica, paralysi, aliorumve malorum serie exasperatam trahere solent.

Haud minora pericula cirumstant illos, qui arsenicum extrinsecus variis admovent partibus, aut ejus halitibus sese

exponunt; fossores nec non fornacům; in quibus mineræ arsenicales cremantur, accolæ macilenti languidique incedunt, ac tandem hæmoptisi, horridâve tabe tolluntur.

Tachenius narrat sese arsenicum sublimationibus repetitis sixare tentantem, aperto vase vaporem haussisse gratissimum, à quo post horæ dimidium dolores cardialgici ac colici intolerabiles, asthma, hæmaturia, aliaque pessima symptomata suborta sunt.

Meminit Diemerbroeckius plurium arsenicale amuletum, pessimo impostoris
consilio, pestori applicantium, qui
ardore interno, anxietate præcordiorum
ac pustulis in medio pestore nigricantibus imprudentiam suam luerunt; verum
abjesto amuleto ab assistis, properantia
stata repulit celeberrimus medicus.

Vi pollet tam corrosiva ut sossorum manus ac pedes nudatos exulceret; sic arsenicum butyro mixtum & capiti puellæ phthiriasi assectæ, loco coccularum, per errorem illitum, sebrem, delirium, syncopen, totius capitis intumescentiam ac celerem mortem induxisse Wepferus resert.

De arsenico extrinsecus tantummodo applicato (inquit cel. Degnerus) ante aliquot annos mirum vidi effectum, namque rustici quidam præparant ex arfenico decoctum, eoque corpus lavant, mirificè illud contra scabiem facere prædicantes: tale decoctum duo milites à quadam aniculâ accipiebant, eoque scabiem abluebant; scabies quidem hâc ablutione evanuit; sed utriusque genitalia tanta inflammatio atque intumefcentia invafit, ut aspectu horrendum esset; quibus conjuncti erant intolerabiles dolores, vehemens febris, vigiliæ, sitis &c. totusque locus affectus brevi tempore contrahebat nigredinem gangrænosam, ut de perfecto sphacelo jam follicitus essem : tandem verò multà

adhibità curà separatio sphacelati succedebat, & paulatim laborantes restituebantur.

Seriò hæc inculcanda forent garrulis quibusdam aniculis, quæ, præjudicio hic endemio misellisque ægris luendo obcæcatæ, unguenta, emplastra, amuleta &c. corpori extrinsecus admota, nunquam nocere posse insulsa verborum gravitate affirmant.

Sagacissimi medici vix aliquid intentatum liquere, ut invenirent remedium terribilis hujus veneni ferociam aptum comprimere.

Eorum aliqui arsenicum indolis acidæ esse contendunt, sales alcalinos tanquam præstantissima ejus antidota extollunt: verum alienis propriisque experimentis, in animalibus vivis captis, didici hæc decantata præsidia aquâ simplici haud esse esseciora.

Nec minus falluntur qui præsentaneo huic veneno alcalinam tribuunt indo-

lem, acidaque remedia id extinguere posse credunt; arsenicum enim alcalinæ indolis haud esse chemiæ peritus negabit nemo.

Neque tamen succum citri aliave acida planè inertia sore credimus, ubi aliquis terribile italorum venenum, aqueua dictum, ex arsenico, hyosciamo &c. compositum, infelix hausit; hoc enim in casu potus acidus tum arsenicum diluit; tum hyosciami mortiserum virus peculiari vi extinguit.

Hæc cum ita sint, ad generalia antidota transeundum est, inter quæ seliciter adhibetur aqua simplex, præsertim
tepida, quæ arsenicum album (c) solvere,
solutum diluere ac ita enervare, motoque vomitu eliminare valet: vagi glires,
ubi arsenicum sumserunt, ductu naturæ
conservatricis sui protinùs consugiunt
ad aquam passim obviam, illaque assa-

⁽c) Aliæ enim arsenici species, juncto sulphure divites, aquâ solvi nequeunt.

tim haustâ à mortis discrimine sese li-

Maximam quoque laudem merentur Iubricantia ac obvolventia per os atque anum copiosè ac diù ingesta, quæ ventriculum & intestina contra corporum rodentium injurias defendunt, dolores atque spasmos mitigant, acrimoniam quamcumque obtundunt & involvunt, ficque sine stimulo educunt (7): usitatoria funt olea blanda ex feminibus oleofis expressa, gummi tragacantha aut arabicum aquâ solutum, butyrum infulfum, axungia porcina haud rancida, nec non adipes quicunque recentes: horum efficaciam centenis experimentis supra memoratus Orvietus confirmavit abundè.

His tamen medicaminibus palmam præripit lac merum, vel quod melius

⁽d) Si iis affatim haustis vomitus non succedat, tunc penna vel digito in sauces immisso poterit excitari.

est, supra scriptis oleis, aut butyro sociatum.

Convivas omnes, quibus hospes apposuerat jusculum arsenico, loco sacchari, conditum, lacte cum amigdalarum dulcium oleo maxima copia
hausto, strenuè & quidem vel centies
vomisse; clysmatibus quoque oleosis injectis evasisse refert cel. Hosfmannus (e).

Præsentaneam opem aliquando tulit oleum dulce ricini per os anumque ingestum, quod involvendo & foras deturbando arsenicum, aliudve acre venenum in stomacho & intestinis retentum, oleis cæteris palmam præripit.

His ipsis auxiliis protinus jungantur balnea oleosa, aut aquosa tepida, embrocationesve similes, si diris convulsionibus jactentur ægri: tepidi olei balneo

⁽e) Diluens potus, lac, olea blanda, adipes recentes, mucilagines gummi tragacanthæ aut arabici, aliaque fimilia lubricantia & obvolventia post quæcunque acria venena assumta quoque locum habent.

convulsiones atrocissimas ex halitu veneni chemici obortas, quievisse refert celeb. Morgagnus.

Ubi vapores arsenici maximè insestarunt pulmones, remedio sunt vapores aquosi tepidi per os naresque attracti, qui arsenicales particulas diluendo ac enervando, vasa constricta laxando & emolliendo magnoperè prosunt.

Ubi arsenicum sanguinem jam insecit, par sibi non habet oleum essentiale anisi, cujus scrupulus unus, simul cum looch ex ovi vitello, gummi arabico, & syrupo de althæâ, pro dosi adultis exhibetur.

Summo quoque jure sese commendant aquæ thermales sulphureæ, diù hauriendæ, balnei stillicidiique instar adhibendæ, ubi ægri præcipitis mortis discrimen evasere, sed stupore, paralysi aut convulsionibus vexantur: si verò desiciant illæ aquæ, utendum erit hepate sulphuris aquâ purâ soluto: hujus enim

veneni sævitia sulphure sensim do-

Arsenicum magnam cum ferro assinitatem habet eoque redditur sixum; hinc operarii, qui metallis nobilioribus repugnandis operam dant, his ferri limaturam utiliter tutòque adjiciunt.



The tuffrie outpits in it is a land of out maintain it

ant convalionibus voxenture : fi vero

mire sujud : emil feline : hujus similetin

dant ille agaie . utendum erit hegues

liberdied thi ceni pracipilis inc

land, oroquirbil, drilavo control

ACIDA MINERALIA.

TRES acidorum mineralium diversæ sunt species, acidi vitrioli, acidi nitri, acidi salis titulis notæ, quas omnes, cum communia antidota postulent, uno hoc capite comprehendam.

Vitrioli acidum vel ex vitriolo, vel ex sulphure, vel ex alumine; nitri acidum ex nitro; salis acidum ex sale marino, sontium gemmæ, per chemicas operationes obtinentur.

Acida mineralia imprudenter hausta; aut etiam corpori extrinsecus admota, non tantum varios morbos inducunt, verum vivas etiam carnes ac membranas destruunt, ipsaque ossa corrodunt atque exedunt, sicque crudelem ac sæpe præcipitem inferunt mortem.

Meminit ill. Hoffmannus hominis; qui furiis conscientiæ agitatus aquam fortem arbitris remotis biberat vitrumque per fenestram in hortum proximum projecerat: viderat hoc ejus amicus in horto deambulans ab altero non visus, cumque vitrum considerasset, odoremque cognovisset, mox verò illum vomere & valde tussire animadverteret, ad cubiculum ejus properavit, aditumque quo licuit modo patefecit : verè jam agonizantem inveniebat; cum verò non ignarus medicinæ esset, interim dum medicus accederet, multà infusa aquâ vim concentrati acidi infregit, sicque salutis auctor exstitit.

Stalpaere van der Wiel rustici cujusdam mentionem facit, qui aurifici lunæburgi lignum vendens, auctariique loco haustum vini adusti petens, jussus suit ingredi hypocaustum, ubi cum solus vitreum poculum aquâ sorti plenum vidisset, vinum phlegmate orbatum ratus, in-

gentem fecerit haustum, & aurifici non multò post vini spiritum apportanti responderit se jam bibisse ex hoc vitro, nec ultrà appetere; undè illicò punctiones & lancinationes in ventre sentiens, assumto largo olei amigdalarum dulcium haustu curatus est.

Ipse Boerhaavius spiritus vitrioli vel sulphuris, quem summa ignis vi extorquebat, halitum excepit, qui fortè illum unico momento sussocasset, constrictis pulmonibus, nisi spiritum salis ammoniaci ad manus habuisset.

Acida mineralia mucilagine gummi arabici, tragacanthæ, decocto incraffante Fulleri, ovis sorbilibus, idque genus aliis unà cum putaminibus ovorum, creta alba aliisve absorbentibus terreis larga manu exhibitis citò ac tutò enervantur.

Hæc verò acida pulmonibus recepta haud alia antidota postulant, quàm mercurius sublimatus corrosivus, ignis vi in vapores resolutus.

SALES ALCALINIFIXI, MINERALES.

SAL GEMMÆ, aqua marina; fontes medicati varii &c. chemicâ operatione memoratos sales largiuntur.

Licet sales alcalini sixi minerales minus acres esse soleant quam lixiviosi, illorum tamen acrimoniam sorti igne valde intendi, quin etiam causticam sieri experimentis demonstravit chemiæ peritissimus Meyers.

Diluentia, obvolventia, oleosa blanda, acida antidota sunt.

Aqua pura, tepida aut calida, sales quoscunque solvit, diluit, enervat & per varias corporis vias educit; hinc omnium salium maximè generale antidotum rectè censetur.

Ast hoc in casu, longè efficaciora sunt acida vegetabilia vel mineralia diluenti aquæ addita, quæ vim quoque alcalini stimuli qualitate sua potenter invertunt.

Summa tamen cautio requiritur in horum administratione, nam œsophagus, ventriculus, intestina naturali muco privata ac exulcerata leviorem stimulum ab acidis aut falibus neutris, etiam blandioribus, ægrè ferunt : undè quidam in hoc casu olea recens pressa sola vel cum acidis mista præscribunt, quibus sales obtundantur, erosæ æsophagi, ventriculi & intestinorum tunicæ investiantur, & contra salinos stimulos muniantur. Oleis recens pressis ingestis aëris elastici generatio, à salium oppositorum effervescentia producta, multum quoque diminuitur : quando igitur fimiles conditiones adfunt, altà semper mente tenendum est monitum ill. Trallesii: quod si verò (scribit) etiam merum rodens alcali subsit, acido sufficienter ingesto omninò superandum, multo judicio practico ponderandum erit, an illud hujus occursu sit superabile, ante quam smegmate omni mucoso, quod villosam tunicam obducit, stricturis & excretionibus excusso, detractà quasi veste naturali, hæc denudata injuriis cujusvis acrimoniæ in villos nervosos acturæ sit exposita : hi nimirum tum tegmine suo orbi stimulum quemvis acutius sentientes, non ab alcalina tantùm acrimonia crispantur, sed ab acido etiam quantumvis blandiore æquè vellicantur; imò verò, si ab utriusque concursu alius naturæ sal emergeret, non minus ejus irritantibus puncturis malè afficerentur: hæc si fortè lecturorum aliquibus nimis scrupulosa videatur cautio, operæ pretium erit perpendere summam in hominibus benè multis, ut hypochondriacis & hystericis, ventriculi & intestinorum delicatulam irritabilitatem & mobilitatem, quibus adeo, dum nondum ægrotant, succus citri & acetum non sunt adiaphora; sed tales quàm maximè intestinorum morbis subjacent, iisdemque graviùs affliguntur... Hoc in casu primatum sanè ducit blandissimum acidum blandissimo oleo involutum in ebutyrato lacte, quòd si ullum aliud remedium acrimoniæ alcalinæ invertendæ & obtundendæ convenientissimum hic habeo, ejus egregiam virtutem in aliis ab hac causa morbis sæpiusculè edoctus; atque hoc acidum benignum natans in pinguedine lactis multum præfero aceti acido, per mel admistum mitisicato.

Opitulantur quoque enemata ex memoratis remediis acidis & demulcentibus injecta.



tulus conful romanus a C. Mario proptes

namarih estaploire signorat

LAPIDES CALCAREI CALCAREÆ.

Ex his violentà exustione vel calcinatione paratur calx viva, quæ corporis partes, quibus applicatur, tum interiores, tum exteriores vi causticà summoperè lædit.

Vapores quoque sub extinctione calcis assurgentes, vel è parietibus calce recenter incrustatis aut dealbatis emanantes, non rarò ophthalmiæ, sternutationis violentæ diuturnæ, asthmatis, peripneumoniæ, dolorum rheumaticorum, sebris lentæ, paralysis, apoplexiæ nec non suneris auctores suere Q. Catulus consul romanus à C. Mario propter

civiles dissentiones mori jussus; recenti calce illito multoque igne percalesacto cubiculo se inclusum peremit.

Consiliarii cujusdam aulici tres silios qui in camerà calce ob luctà, nondumque penitùs resiccatà, dormierant, intra tres dies sussociante anginà periisse; virumque propè surnum, in quo paulò ante calx exusta suerat, commoratum sternutatione vehemente, sæpè recidivà per aliquot annos laborasse, narrat ill. Hossmannus.

Alii plures casus sunesti in annalibus medicis reperiuntur, ex quibus patet, quàm imprudenter agant illi, qui in domo calce recens incrustata aut dealbata habitant. Non ergò sine gravi causa olim apud romanos publica lege cautum erat, ne aliquis intra tres annos recens exstructa ædificia inhabitaret.

Ubi calx viva fuit ingesta, juvat lacte vel lini aut olivarum oleo solo, vel unà cum melle, aceto, aliisve id genus acidis affatim hausto ac in alvum injecto eam involvere, enervare, ac moto vomitu alvique fluxu eliminare.

Qui venenatis calcis halitibus affecti mortuorum instar jacent, aeri puro ac frigido quantocius exponantur, aquâ frigidâ perfundantur, ori naribusque eorum infundatur acetum.

Non tantum per se nocet calx viva corporis partibus exterioribus aut interioribus admota; verum salium alcalinorum acrimoniam igneam quoque potenter intendit, uti lixivium causticum & lapis causticus, seu ruptorium chirurgorum, salisque ammoniaci spiritus cum calce viva paratus abundè demonstrant: Vitrioli spiritus aqua pura sufficienter dilutus præstantissimum antidotum est.



there lay old only was malle tar initial

commuelle, aceto, aliisve id genus aci-

LAPIDES GYPSEI ET TERRÆ GYPSEÆ.

Ex his igne exustis, paratur gypsum simulacris statuisque essingendis inserviens.

Gypsum intus sumtum, cum muco succoque gastrico atque enterico in lapideam soliditatem, dissiculter resolvendam, concrescit; repletionis sensum, alvi constipationem, obstructiones varias, melancholiam, cachexiam pessimam, paralysin, hydropem, tympanitidem, ac denique lentam miserrimamque mortem inducit.

Cajum Proculejum, Augusti Casaris familiaritate gavisum, pertæsum maximi doloris stomachi, epoto gypso mortem sibi conscivisse Plinius testatur.

Emanuel Byzantii Imperator gypsum in subtilem pulverem tritum sarinæ secalinæ impiè curavit admisceri, ac ita totum Conradi III. Imperatoris exercitum sensim delevit.

Gypsi pulvis unà cum aëre ad pulmones delatus in lapillos quoque concrescit, linguæ ac faucium ariditatem, singultum, tussim siccam, anxietatem, syncopem, cachexiam, peripneumoniam, phthisim &c. inducit; hinc gypsoplastæ ferè semper debiles incedunt, gypsatâque facie reserunt simulacra.

Oxymel scilliticum ingestum, in ventriculo & intestinis hærens gypsum natum est solvere, & moto vomitu aut alvi sluxu eliminare.

Gypsi verò pulverem pulmonibus receptum, ibique concretum, aceti vapor inspiratus solvit, & excitatâ tussi educit.



SULPHUR VULGARE, SIVE

COMMUNE.

Est concretum minerale ex acido vitriolico & phlogisto arctissimè copulatis constans.

Sulphuris accensi sumus animalia respirantia cuncta celerrimè necare valet; ubi verò is minori copià hauritur, tussim, sternutationem, raucedinem, capitis dolorem, lippitudinem, diarrhœam, dysenteriam, asthma, peripneumoniam, hæmoptisin, phthisin inducit.

Clar. Ramazzinus mentionem facit mœchæ mulieris, quæ cum amasium suum, marito superveniente, sub lecto abscondisset, superposito, ut crimen magis celaret, sulphurato velamine, se ipsam prodidit; ille enim recenti sulphuris odore percitus non potuit, quin altè tussiret ac sternutaret.

Ill. van - Swieten insanabili asthmate laborantem vidit optimum civem, qui in juventute apud œnopolam habitans, ut addisceret vinorum commercium, à sodalibus malè jocosis jubebatur, aperto ingentis dolii sulphuris vapore repleti spiraculo, olfacere, quâ arte vina à fermentatione præservarentur: miser ille validè naribus attraxit insessum hunc vaporem, & mox concidit, atque aliquot horis cum morte luctatus evasit quidem, verum totà vità mansit asthmaticus & nunquam somnum capere potuit, nisi erecto corpore in sedili hæreret.

Ubi ad suffitus adhibetur cinnabaris, sedulò cavendum est, ne infensus sulphuris accensi vapor (cinnabaris enim ex sulphure & mercurio unitis constat) magnà copià ad oculos aut pulmo-

nes perveniat, & memorata inducat infortunia.

Sulphuris accensi sumus iisdem antidotis, quibus mercurius sublimatus corrosivus in vapores redactus, enervatur.

Zinci verò flores masco calore final

cuar, & frigore dean's abelcaner has

totalile sin igne ardens.



Visiblian visalitingunte po-

tett, majoki copia intus immum anxieta-

tren nessocialistum, fullorett, vomitum

eima , toyou unterior miletin enorge

had a design memoral manager violenten

ZINCUM.

Est semi-metallum, sub-malleabile, plumbei sermè coloris, in quovis acido solubile, in igne ardens.

Zinci verò flores magno calore flavescunt, & frigore denuò albescunt; hac notà à terris absorbentibus facilè distingui possunt, quæ non rarò pro zinci floribus fraudulenter divenduntur.

Ex acido vitriolico & zinco vitriolum album (couperose blanche) componitur.

Vitriolum album vi adstringente pollet; majori copià intùs sumtum anxietatem præcordiorum, sudores, vomitum alvique sluxum potenter movet, naribus attractum sternutationem violentam non rarò excitat.

Eadem, quæ ærugo, antidota pos-tulat.

CAUTELÆ QUÆDAM FOSSORIBUS ALIISQUE NOCIVA FOSSILIA TRACTANTIBUS MAXIMÈ NECESSARIÆ.

Solvenda alvus dato subindè rheo aut poto olivarum oleo, quo minùs venenum cum saliva aut cibis ingestum hæreat, morâque noceat longiori.

Ab opere non recedant, quin corpus abluant vestesque mutent, ne sossile venenum iis adhærens haud interruptè agere pergat.

Intermissum laborem nunquam repetant jejuni: quotidiana experientia constat illos, qui in plumbi, arsenici &c. fodinis pane atro una cum lardo pinguive carne bibula vivunt, aut, antequam operi sese accingant, lac, oleum recens, aliave id genus pinguia assumunt, quibus particulas venenatas cum saliva in ventriculum delatas involvant, diutius manere incolumes.

Nicotianæ fumum per fistulam sugentes salivam perpetuò exspuere solent, quare is utilitate non carebit, ubi hæc nocivis inquinata exhalationibus est.

Gargarizando os & fauces nonnunquam etiam eluere expedit.

Vitanda loquacitas est: muti enim quia minus frequenter respirant, minorem venenati halitus copiam hauriunt.

Ori naribusque admoveatur velamen aquâ purâ aut antidoto, si quod cognitum sit, madidum; sic ut nullus, nisi percolatus & correctus, hauriatur aër.

Apertis portis & fenestris sæpè renovandus aër; ast cavendum semper, ne calens corpus frigore afflatuque lædatur: convenit etiam faciem, quantum possibile est, à nocivis halitibus avertere, nec non, ad auram puriorem captandam, chymicâ officinâ interdum exire, vel vasa in loco ventis obnoxio ita disponere, ut funesti vapores ab adstantibus longissimè repellantur; in fodinis adhibenda est ventilans machina.

Aër fodinarum aliorumque locorum diù inclusus aquâ frigida affatim injecta non rarò corrigitur & emendatur.

Solent nonnulli accensa candela in sodinas aliaque loca suspecta lente demissa explorare an venenati vapores adsint; si slamma rite vigeat, audacter intrant; si verò langueat, aut, quod pejus est, extinguatur, tum, priusquam in ea loca audeant descendere, aëris correctioni aut renovationi student; verùm alii huic signo haud multum sidentes canem, selem &c. priùs intrare jubent, ne dubio aëri propriam salutem committant.

Qui verò in fodinis mortuorum instar jacent quantociùs sunt extrahendi, aëri puro exponendi, aquâ abluendi, vestimenta eorum mutanda; salis ammoniaci spiritus aquâ aut spiritu vini camphorato temperatus in os naresque indendus, narium quoque irritatio mechanica haud negligenda, aër compressis ægri naribus per os vi insussandus, nicotianæ sumus in alvum dandus; vena, præsertim jugularis, nonnunquam secanda.



lon Scorprins Intere jubent, ne dubio

accur quantocina dest careabends, evi

our propriate falorem committents



DE USU CHALYBIS ATQUE MERCURII IN OBSTRUCTIONE CURANDA

DISSERTATIO.

ERUDITISSIMO, AMPLISSIMOQUE VIRO,

ALBERTO HALLER

LUCAS DORASCENTIUS

S. D.

ILLUSTRIUM virorum fama, cum ubique terrarum disfusa est, hoc potissimum habet, ut eorum gloriam cujusque generis, & conditionis hominibus notam essiciat; immò verò, cum de litteris agitur, ad illos etiam perveniat, qui eas tantum a limine salutarunt, aut primoribus labiis attigerunt. Quod cum optimè tibi perspectum sit, nihil sanè miraberis, eruditissime Haller, cur mihi

tantum honoris tribuere audeam, ut ad te scribam epistolam, testem meæ obsequentissimæ erga te voluntatis: mihi, inquam, qui licet ætate & ingenio non sim cum cæteris comparandus, qui Romæ vivunt, medicinæ cultoribus, tamen ope, ac præsidio commentariorum, quos, doctis viris plaudentibus, ad communium studiorum utilitatem edidisti, consido me in re medica non mediocriter profecturum. Quid ni? Antonius Cocchius nemini ignotus, tibi verò notissimus, quem Numine dextro studiorum meorum optimum ducem, ac magistrum sum nactus, tantà eos copià eruditionis abundare testatur, ac novis adeo experimentis, observationibus, argumentis esse tam luculentos, ut ea de causa hujus te ætatis, quæ floret maximè laude litterarum, secundum nemini censeat. Boerhaavii institutiones adhuc lumine carerent, ac frustra id expectassent, ni boni superi Hallerum tandem dedissent, qui

eas optime illustraturus, pulcherrimarum rerum thefaurum nobis optantibus aperiret. Dicam quod sentio; non assentandi gratiâ. Ubinam major, quam in his tuis commentariis, aut in rebus quam difficillimis pertractandis ingenii vis, aut felicitas in solvendis, aut facilitas in explicandis? Hæc funt mehercule, quæ ita me tibi addictum reddidere, ut gloriæ tuæ prædicandæ, &, quantim fieri per me potest, amplificandæ desiderio exardescam. Nec verò istud aut mediocre est, aut obscurum, aut hujusmodi, ut filentio præteriri possit. Nam cum medicis, iisque vulgò celebrioribus tantà contentione decertavi, quantâ nunquam antea ulla in causa: & jure quidem, ac meritò. Quis enim causam, quæ optima sit, lucis in sole defendendæ suscipere nollet, lubenterque pro viribus sustinere? Cæcutiunt plerique hujus sæculi medicorum, qui si forte gravissimorum hominum scripta vel non intellexerunt, vel etiam (quod turpius est) pervolutare & cognoscere neglexerunt, ad fuam tegendam vel inscitiam, vel ignaviam, ajunt id omne supervacaneum fibi videri, quod lucubrare scriptores ætatis nostræ, ac typis edere voluerunt. Crede mihi, humanissime Haller, nimis acerbum, nimis asperum est indoctos istos etiam in magnis, clarissimisque civitatibus triumphantes intueri; qui non modò freti popularibus auris, sed etiam plausu virorum principum celebrati, ubique se jactant, atque adeo inscitiam cum incredibili temeritate conjungunt, non fine magno fapientum dolore, & iracundiâ. Quoniam verò se sola virtus contenta est, neque insani vulgi honoribus eget, ad Te, Vir clarissime, redeo; quem cum audiverim multum operæ insumsisse in Boerhaavio Lugdunensi Professore observationibus illustrando, enixe rogarem & obtestarer, ut, quæ jam edidisti, ad me mitteres,

si mihi, ut sunt, ad manum non essent; ne, qui gloriæ tuæ saveo, tuorum operum jucundissimo sructu diutius carerem, simulque labi occasionem permitterem communicandæ cum aliis doctrinæ tuæ, quæ in eisdem operibus maxima continetur. Nunc judicium de quodam opusculo meum legendum tibi, atque, uti spero, approbandum exhibeo.

Prodiit nuper in lucem oratio botanica, quam philosophus quidam è medicorum collegio in horto academico habuit. Hoc unum captu mihi dissicile visum est, quod ille ait: Quoties, dum obstructionibus per chalybem medebamur, eas nos vidimus in scirrhum, aut cancrum insanabilem permutatas? quoties nos hydrargyrum, & cætera, quæ ab eo sunt per medicamenta, sumus execrati; dum tantos ab iis vidimus fluctus, tempestatesque excitatas, ut quid consilii caperemus, nesciremus? Qua quidem in re sugit philosophum ratio, meà quidem sententià. Ejus enim

observatio sutilis est, quippe quæ non ex accuratà historià, non ex enumeratione juvantium ac nocentium, non ex cadaverum sectionibus deducta sit. Utinam verò ex iis, quæ diximus, prosecta esset. Tunc enim de indole morbi perbellè ille atque cæteri judicassent, essentique cautiores in quibusdam tractandis medicaminibus; neque ille tam præceps in assirmando suisset: chalybem in cancrum & scirrhum permut ve obstructiones, & hydrargyrum sluctus, tempestates que excitare.

Jure optimo culpanda ejus opinio est, quem non puduit duo illa medicamina ex chemia explodere, mortalium generi utilissima ac nobilissima scientia, cujus unius est virtutes terræ multiplices investigare. Sæpè cogitabo de illa vulgari observatione, quæ non habetur in ante dictis; præsertim verò cum scriptoris illius observatio in duobus illis medicamenti generibus non parum mihi videa-

tur experientià labefactari, quam scriptor ille vel, ut par erat, minime attendit, vel nunquam vidit. Quibus nos documentis si vellemus insistere, chimicam scientiam longè profectò salutaremus, ejusque præcepta, quæ à gravibus au-Aoribus nobis tradita funt, contemneremus. Nam falsum dicere ex bona ratione, turpe non est, falsum verò palam negare, sat est, teste Quintiliano. Verum studia nostra locabimus in defendendâ viriliter veritate, & fideliter pro chemia certabimus. Chemiam, five spargiricam, quæ ad falutem humani generis, atque ornamentum haud contemnendum inventa est, jam dudum sopitam, in lucemque deinde revocatam quidam dixerunt, non secus ac fulmina tormenti bellici, ad communem lanienam, atque perniciem. Hanc scientiam a Dæmonibus filiabus hominum datam in pretium amoris putar runt nonnulli : qui error sanè antiquissimus ex eo duxit originem, quòd illi

sensum scripturæ genuinum assecuti non essent Genes. 6. 2. scriptorum catalogum non est facilè texere, qui de hoc argumento disseruerunt : præcipui tamen funt, Ofwaldus Crollius, Beguinus, Joannes Hartmannus, Joannes Petrus Faber, Le Mery, Le Mort, Basilius Valentinus, Paracelsus, Rogerius Baco, Raymundus Lullius, Joannes Rudolphus Glauberus, Joachimus Beccherus, Ettmullerus, Boerhaavius, Hoffmannus, Poterius, & alii complures. Inter mineralia siquidem, quæ eruuntur ex visceribus terræ, quæ centrum, feu matrix elementorum omnium adpellatur, & in quam elementa projiciunt sua spermata, & semina, quæ terræ sinu soventur, ac digeruntur, chalybs, & hydrargyrum computantur. Priùsquam verò utrorumque mineralium vires, naturamque investigem, de obstructione, scirrho, nec non cancro, quantum brevitas hic necessaria permittit, quædam notanda judicavi : ac primum de obstructione.

Obstructionem Hermannus Boerhaavius in aphorismis de cognoscendis, curandisque morbis, numquam satis laudatis definivit; dicens, qued sit obturatio canalis, transitum tollens liquido, per eum transjiciundo, vitali sano, vel morboso, orta ex excessu molis transituræ supra capacitatem vasis transmissuri. Est autem duplex obstructio, eorum sententia, qui medici habentur accuratissimi; quarum unam oppilativam ab humore vas infarciente; attenuativam alteram per collapsum vasorum atque viarum dicere solent. Cuique medicorum notum est, has ab humore crasso, deside, tenacique proficisci : deque his sapienter Thomas Warthonus Adenograph.cap. 11. scripsit, ac quinque modis contingere affirmavit. Primo, in ipfo aditu succi lactei in orificia venarum lactearum. Secundo, in transitu ejusdem per mesenterii glandulas. Tertiò, in

transitu sanguinis ex arteriis in venas per earumdem glandularum substantiam. Quarto, in canalibus aquosis, vel limphæ ductibus. Quinto, in nervis. Canalium præcipuè de nomine, in quos massulæ sanguineæ confestim impelluntur, ocyusque deferuntur, qui obstructionibus magis obnoxii funt, arteriosi, venosique ferè unanimi consensu nuncupantur. Perpensa generalissima obstructionis idea, istiusmodi aliquod exemplum afferre decrevi in dissert. de chlorosi, quæ, Deo dante, proximo anno in lucem prodibit. Dum ergò arteriosi & venosi canaliculi, qui per uteri substantiam serpunt, obstructionem in virginibus patiuntur, morbus virgineus, seu chlorosis confestim accidit : cujus ætiologiam repetere libet à sanguinis impuri, & humorum viscidorum ac minus motui aptorum abundantia, tum ob deperditum tonum, vigorem, ac vim folidarum partium, maximèque viscerum chylificationi inservientium, quæ sunt ventriculus, intestina, hepar, lien, ac pancreas: tum ob ipfarum fanguificationi infervientium robur labefactatum in machina nostra; ut funt arteriæ, venæ, cor ac pulmones. Nam dum partes nostri corporis fibrosæ & vasculosæ minus possident motum oscillatorium, non fiet illarum contractio, adeò ut in arcum distentæ abbrevientur, & in lineas disponentur rectas, neque accedent circa cavitatis axem, neque ad humores validè appellendos erunt idoneæ; atque ita sanguinis circuitus tardior lentiorque evadat necesse erit, & hinc separationum æquè ac excretionum negotium faluberrimum imminuitur. Unde fordes excrementitiæ viscidæ, biliosæ, salsæ, serosæ, quæ in hepate renibusque secerni ac foras ejici debent, maximâ ex parte retentæ, impurum planè ac intemperatum reddunt fanguiuis serum & succum nutritium. Temporis decursu fibræ motrices extre-

morum in cute vasorum, ex Ruyschii injectionibus stupendis primum ritè cognitorum, proprio ac naturali destituuntur robore; & sic tam sudor, quam Santoriana separatio impeditur; undè in corpore reticulari Malpighii, sive reticulo cutaneo, cuticulam inter & cutem circumposito, à tincto sero pallidus & subalbidus, immò plumbeus, livescens, aut virescens color cum aliquâ corporis intumescentià deprehenditur; quo sit, ut ipsa nutritio impediatur. Similiter contingere videremus obstru-Stiones, si cadavera sedulò introspiceremus, quorum sectiones si quis optaret, fepulchretum anatomicum Boneti adeat: maxime autem eas videremus in imi ventris visceribus, præsertim verò in binis meseraicis arteriis, quarum superior per tenuia, inferior per crassa intestina perreptat, & utraque arcum insulamque constituit. Cerneremus has quoque in ramo dextero finistroque

cœliacæ, quæ proximè supra mesentericam ex aorta prodit, arcum facit antrorsum, deinde retrorsum flectitur; qui quidem rami per lienem, pancreas, ventriculum & hepar proferpunt; quorum diameter in principio ampla manifestatur, in extremitatibus verò in angustiorem pergit. Dum igitur massulæ sanguineæ, quæ in conica impelluntur vasa per diametrum ampliorem, non difficile transmittuntur, (in extremitate siquidem canaliculi cylindrici siunt) validà contractione humorem fanguineum, quo nullum animal caret, appellunr. Si igitur teretes massulæ fiant majores vasis cylindrici, conicique diametro, transire nequeunt. Quocirca in ramis meseraicis ac cœliacis obstructiones contingunt : & cum nos mechanica & hydraulica doceat, fluida in corpore humano alia aliis motibus ferri, tunc illa oblique ac retro incumbunt & urgent. Nequeo ferre Michelotti senten-

tiam, pace tanti viri, dum ait p. 35.38. Crassa fluida dicenda, non que particulas habent maximas, sed ea, quorum particulæ difficulter trajiciuntur. Idcircò enim particulæ, vel nullo pacto, vel saltem difficile trajiciuntur, quia sunt crassæ atque maximæ, ac dum fibi invicem cohærent, inde moles fluidorum maxima efficitur, dum mutuâ vi sese per vasa trahunt particulæ diversæ massæ sanguineæ, & sic oritur cohærentia. Cohærentiam divinitus Elem. physic. Petrus Musschenbroekius definivit. Est ea corporum conditio, qua partes quomodocunque, & à quacunque causa conjunctæ, divulsioni resistunt, ita ut eadem vi à se mutuo separari nequeant, qua aut solæ moveri, aut sibi tantummodò impositæ, sejungi iterum potuissent, sed vim postulent multo majorem. Idipsum confirmare in venis ejusdem generis supervacaneum non erit : nam ex demortuorum sectionibus quædam obstructiones deprehensæ sunt, ut Bonetus, Willifius, Blancardus, Wepherus, Pechlinus, aliique indubiam fidem faciunt. Quin etiam nos experientià edocti fumus, quòd finus duræ meningis, qui triangulum imitantur, five quatuor fint, ut Ortlobius & Vieussenius demonstrarunt, five quatuor supra quatuor, ùt eos Winslovus enumeravit, nec non jugulares internæ venæ sanguine mucoso, crasso, deside infarctæ sunt, immò substantiam ferè polyposam referunt. Et ratio in promtu est: cum enim istæ venæ impulsu destituantur, inde tardior, lentiorque fluidi sanguinei motus exoritur. Hinc non miramur obstructiones natas esse, si particulæ sibi invicem cohæreant.

Longè adhuc prolixiùs & accuratiùs hujuscemodi afflictionis proximam causam
tradidit gravissimus auctor noster in suis
aureis aphorismis, dum num. 108. ait:
Obstructio oritur ex angustia vasis magnitudine molis sluxura, vel utrisque concurrentibus.

Quicquid igitur potest hæc tria sacere, hoc est angustare vas, cruorem desidem per ipsamet vasa appellere, & quicquid simul potens est vas arctare, & sanguinis massam minus ad motum sluidam reddere, causam procatarticam, seu remotam nuncuparem. Quæ si quis plenius intelligere cupiat, Hermannum Boerhaavium, nec non ejus commentatorem Gerardum van-Swietenum de obstructionibus consulat. Nunc ordo postulat, ut assectionis scirrhose naturam dispiciam.

Scirrhus communiter est tumor durus, renitens, concolor, indolensque. Quam. vis autem eum distinxerint in legitimum, seu exquisitum (quam descriptionem disertis verbis apud senem Galenum legimus) tamen distinctio illa constans non est. Exquisitus igitur scirrhus tumor est præter naturam, sensu carens, & durus. Non exquisitus autem non omnino quidem sine sensu est, sed agere tamen admodum sentu. Qui igitur sine sensu, incurabilis est; qui

qui verd hebetis sensus est, non quidem infanabilis est, tamen non facilis curatu: quam opinionem etiam in Boerhaavii aphorismis van-Swietenus commemorat. Ejus morbi fedem fuisse glandulam didici ex nonnullis auctorum observationibus. Inter recentiores quidem laudatus Heisterus anno 1725. Glandulam tymum deprehendit in puero tredecim annos nato hectica extincto, scirrho induratam, moleque ingentem. Idem auctor glandulam dorsalem à magno Vesalio delineatam, ad ovi gallinacei magnitudinem auctam. Undè œsophagus ita comprimebatur, ut nihil amplius transire potuerit. Philippus Verheyenus observavit ex dorfalium glandularum tumore ac fcirrhositate patientem præ inedia miserè obiisse, omni scilicet vià cibo potuique ad ventriculum præclusa. Post sedum enim cadaver, œsophagi latera ob vehementem compressionem coaluisse animadvertit, ipsumque ejus tubulum sub

glandulis illis abiisse in corpus solidum introspexit. Scirrhum in majore oculi sinistri cantho natum, castaneam æquantem, feliciter abstulisse Hildanum, scribit van-Swietenus in comment. Boerhaavii. Tonfillas, post inflammationem illarum malè curatam, in scirrhum induruisse vidit ipse auctor aliquoties. Plurimæ forent medicorum observationes huc adducendæ de scirrho; verum, ut brevitati consulam, paucas retulisse sufficiat. Symptoma illud, quod experientià compertum habuimus, hic nullo negotio extricatur. Quippe mulieres quinquagenarias hysterica passione graviter laborantes, necnon virgines, quæ immaniter mensium suppressionem passæ suerant, ocyus, ac par est, talibus affectas scirrhis non rarò observavimus. Ratio est, quia dum menses in illis cessant, fanguis ille, qui fluere solitus erat, sive per vaginam, sive per uterum (quâ de re anatomici magnâ inter se con-

tentione dimicant) ad alia vasa regurgitat; deinde ob vasorum actionem in ipsamet fluida labefactatam, hæc spissiora fiunt, atque adeo in glandulis ibi repertis interclusa scirrhosum morbum producunt. Scirrhi causa meritò recensetur viscida, crassa, viscosaque materia, dum particulæ istæ sanguineæ cum tardis, quæ majorem habent vim inertiæ, vel motum citius amittunt (præceptore Hallero), se se attrahunt, naturamque gypseam, immò vitream acquirunt, impactæ, insertæque in ejus spatia per adhæsionem magnam: fic in glandulis scirrhus inchoatur, perficiturque. Causæ remotæ inquirantur attentiùs apud Boerhaavium, & Gerardi van - Swieteni commentarios. Jam verò proximum est, ut ad cancrum expendendum, quantum in me erit, aggrediar.

Cancer a similitudine cancri nuncupatus, tumor est rotundus, lividus, aut subniger, dolensque, dum canales cir-

cumcircà scirrhum inflammari incipiunt: inde exulceratur, & in pus convertitur. Non parum aberrarunt à veritate illi, qui cancrum ad folas mulierum mammas, & virorum scapulas restrinxerunt. Nam exemplis docemur, quæ à multis scriptoribus memoriæ prodita accepimus, in aliis quoque corporis partibus cancros enasci, ùt in labiis, linguâ, in pene virili: quæ nos quidem exempla apud Hildanum legimus. In virgine adulta satis magnam verrucam in dorso locatam in cancrum degenerasse van-Swietenus observavit. Idem auctor vidit in pollice pedis, dum unguem imprudentiùs fecuerat chirurgus in quadam rustica, læseratque tenerrimam illam pulpam nervosam, quæ ibi est, similem excrevisfe fungum; quem cum rodentibus consumere tentaret idem chirurgus, sic irritavit ut in horrendum cancrum abiret. Superiore anno in pede dextro cujusdam artificis cancrum ego observavi cum

præceptore in urbe Româ; quem feliciter ille curavit. Igitur non tantum in scapulis ac mammis, verum etiam in quibusdam aliis partibus cancer enascitur. Causam hujusmodi morbi rectè est assecutus Boerhaavius, dum ait: est quidquid scirrhum facit, acre scirrho mixtum; mutatio in circulantibus, à menstruis, hæmorrhoidibus, hæmorrhagia qualibet retentis; sterilitas, calibatus, effæta atas à 45 ad 50 annos; victus austerus, acer, calidus; affectus animi tristes & biliosi; irritatio externa quælibet, motu, calore, acrimonia, emolliente, suppurante, caustica, vesicante medelâ externa, vel interna similia peragente. Hæc de obstructione, scirrho & cancro dicta fint satis. Nunc de chalybis naturâ in obstructionibus agendum est.

Chalybs (testante Andrea Baccio lib. 6. de Thermis cap. 2.) nominatur quasi ferrum chalybum à regione Chalybum in Ponto, ubi purissimum ac durissimum gignitur. Ferrum etiam Mars ab aliquibus

dicitur, quòd Mars planeta in produ-Stione ferri suas partes habeat radiis immittendis, & in terræ sinu radicitus implantandis. Sapienter igitur illustres viri scripserunt, nihil esse in ipso Marte, quin reperiatur in ferro; de quo Plinius: hoc tellurem scindimus, serimus arbusta, ponimus pomaria, vitæ squalore deciso annis omnibus cogimus juvenescere. Hoc extruimus tecta, cadimus saxa, omnesque ad alios usus ferro utimur. Sed codem ad bella, cædes, latrocinia, non cominus solum, sed etiam missili, volucrique, nunc tormentis excusso, nunc lacertis, nunc verò pennato, & aliis recenter in perniciem hominum inventis. Jure quidem scriptores nonnulli ferrum Martem appellarunt, non solum quòd hic planeta in generatione & productione ferri dominium exerceat, suasque tunc temporis in ferrum virtutes ac proprietates inducat; sed quòd etiam Martis naturam ferrum sequatur & imitetur. Si quempiam medicorum non pu-

det contemnere chalybem; is etiam ferrum, seu Martem contemnat necesse est; cum tamen ferrum propter consistentiam & duritiem, quâ pollet, valdè conducat ad corporis humani sanitatem. Neque enim hujus œconomia posset in æquilibrio sustineri, deficiente laudato remedio, fine quo medicina claudicans foret & imbecillis. Ut id ipsum de chalybe pro dignitate demonstrem, ita constituo, chalybem in obstructionibus persanandis utiliter adhiberi. Non enim tam equitatio laudabilis atque utilis est per celeberrimos Anglos, Sydenhamum & Mortonum, qui eam non dubitant in hectica & phthisi præsentissimam appellare; non tam mercurius luem celticam ex humano corpore potest ejicere; non tam cortex peruvianus febres intermittentes expugnare; non tam laudanum liquidum, fine quo medicina manca efset juxta Sydenhamum, sedare cholicam valet, quam est chalybs idoneus ad obAructiones tollendas. Chalybs remedium est celebratum à viris clarissimis tum veteribus, tum recentioribus, parum verò cognitum à philosopho nostro, qui non intelligit, quibus hoc medicamentum viribus polleat ad obstructiones debellandas: id quod multis rationibus planum fiet. Neminem præterit, a methodicis bina morborum principia tradi, quorum unum laxum, alterum verò adstrictum appellant; illaque eorum methodus hujufmodi erat, ut pro laxantibus adstricta remedia, pro adstrictis laxantia applicarent. O veram, ac rectè nobilem methodum! Tibi, o medicorum princeps Hippocrates, hoc quoque debemus: fit enim eo, ut malæ omnes affectiones expugnentur, ac valetudinis commodo consulatur. Quid tum denique? Hoc pacto dumnimiæ solidorum rigiditatis infidias fatis clarè cognosco per propria figna, id est, per durum, subtilem, serrinumque pulsum, unà cum accensa

siti conjunctum, continua vigilia, diro vomitu, exanthematibus, ingenti delirio, alvi duritie cum cutis asperitate, fingultu, ac inflammatione, statim eorum laxationem tentandam & inducendam arbitror. Contra verò reparandum vigorem, nimià eorumdem flacciditate cognità, habitis symptomatibus, hoc est pulsu molli, debili, frigore in extremitatibus ingenti, linguâ nimis humidâ, fimplici nausea, corporis fluxu, humido cutis sudore, magnâ somnolentià, viriumque prostratione. Quapropter censeo repetendum, quod in aureis aphorismis artis parens Boerhaavius scriptum reliquit, dum ait : Rigiditas fibræ nimia est adunatio partium minimarum, qua tam valide faciat eas cohærere, ut non cedant illi actioni fluidorum, quæ superare debet hanc resistentiam. ut maneat sanitas. Contrà fibræ debilitas vocatur adunatio partium minimarum cum nisu in cohasionem tam parvo, ut vel illo levi motu solvi queat, qui sanitatis effectu

fit, vel non multum majori. Qui funt in medicâ facultate diligenter versati, ajunt, rigiditatem solidorum nimiam indicare eorum laxationem, hanc autem vigorem reparare. Sit v. g. obstructio, in quâ offendimus fibræ nimiam laxitatem, ut in chlorofi evidenter patet; ad hujusmodi laxitatem tollendam, præter multa, quæ profunt, acido-austera fossilia computantur; inter quæ, duce van-Swieteno, p. 36, reliquis ferè omnibus palmam præripit ferri, in acidis vegetabilibus fermentatis soluti, usus; quo miraculi instar tumentia illa frigida debilia corpora reviviscunt: nulla sit inde evacuatio liquidi distendentis, sed novum robur accedit, quo plus contracta promoveant stagnantes ferè humores; illi autem, qui evacuando curare volunt hos morbos, plus debilitant. Chalybs igitur egregium remedium in obstructionibus, five in pollinem redigatur, five quocunque modo propinetur, illicò à salibus intra machinam nostram solutus, sie

agit : dum particulæ illæ fulphureæ metallicæ, ac acido-austeræ deglutiuntur, eæ vel intra canales unà cum fanguine permiscentur, vel forinsecus eorum superficiem attingunt. Si in canales appellantur, massulas symbolas, seu earum cohæsionem sopitam, aut ex majore sphærica figura auctam, exsuscitabunt: hinc ipfi fanguini teretes illæ maffulæ minores pro sua diametro, ut per canales facillimè transire possint, restituuntur: & partim terreis particulis, abforbendo, imbibendoque quemcumque acidum peregrinum obvium, partim deostruendo, aperiendoque, austeris suis operantur. Unde elasticus sanguinis motus restituitur, omnemque circuitum adimplebit. Si in vasorum superficiem agant, intricatissima sibrarum series acido - austeris roborabitur, atque idcircò vasa omnia robustiora fient, eorum elementis ad se invicem accedentibus. Mox fibræ ipfæ contractæ ab liquido

impulso, arcûs instar distentæ sese abbreviant, & in lineas rectas disponunt, accedunt ad axem suæ cavitatis, liquidum contentum appellunt; ipsorumque canalium sunctio tum demum absolvitur, cum omnis obstructio penitus deletur.

Quoniam verò inanem philosophi, quem memoravi, opinionem ferre non poslum, veram sententiam illustrium virorum testimoniis, atque rationibus luculentiùs confirmabo. Inter quos Plinium nat. hist. lib. 34. cap. 15. de Chalybis usu scripsisse legimus: Propinatur contra lienis vitia, absumit enim illa. Julius Cæsar Claudinus: Proprium, ait, melancholiæ hypochondriacæ alexi - pharmacum esse chalybem; quoniam continuus illius usus semper felicem finem in ægris sit assecutus: siquidem in reserandis obstructionibus, in quibus omnis melancholiæ curandæ cardo versatur, nulli medicamento. cedat. Et de ingress. ad infirm. in appendic. sect. 2. In curatione melancholiæ hypochondriacæ medicamenta chalybeata fibi

nullum par habere. Aetius serm. 2. cap. 11. affirmat : Lienosis præstantissimum esse remedium, aquam, vinum, aut poscam, in quibus ferrum extinctum fuerit, per multos dies sumtam. Quod etiam cœliacis, & lienosis multum profuisse, observavit Oribasius. Rasis lienis tumoribus utilem esse docuit, cujus affeclæ Serapio, Avicennas, Halyabbas fuerunt. Paulus Ægineta, aquam, in qua extinctum candens ferrum, epotam spleneticis competere monuit. Mercatus quoque dilucidè hanc veritatem de morb. mulier. testatus est. Tantam esse, ait, chalybis naturam & efficaciam, ut magnos etiam lienis, & uteri scirrhos persanasse visum sit. Et alibi : incredibili efficacià affectionis hypochondriaca chalybem prodesse; & experimento esse confirmatum, in omnibus ferè affectionis hypochondriacæ causis usum chalybis commodum esse, sive in feminis ex utero, sive in eis, ac viris ex ventriculo, mesenterio, jecore, aut splene obstructis, aut quomodolibet humore obesis,

malum oriatur. Sennertus lib. 3. part. 5. sect. 1. huic sententiæ adstipulatur his verbis: Experientia diuturna, & multa constat, chalybem ad affectionem hypochondriacam, cachexiam in mulieribus ex mensium obstructione, aliosque è pertinacibus lienis, & venarum meseraicarum obstructionibus ortos morbos, esse probatum remedium, & meritò ob id magni faciendum. Confirmat etiam Petrus Joan. Faber cap. 4. lib. 4. Vulnera enim, inquit, curat omnia, & ulcera maligna & cacoethea, & obstructiones reserat omnes, immo scirrhos hepatis, & lienis, & pedetentim dissolvit, & curat. Longior sim, si virorum illustrium testimonia referre singula velim, quæ in Mangeti bibliothecâ pharmaceuticâ leguntur pro decantati remedii defensione, tam in obstructionibus, quam in scirrho ipso, morbisque aliis. Nam binis viribus chalybs, vel ferrum præditum est, roborandi scilicet, & aperiendi; hæc in volatiliori potiffimum, ac proinde in sale; illa verò in

terreis particulis residet : quod plerique scriptorum apertè ostenderunt. Inter novissimos, Italus quidam lib. 3. de Chlorosi: Inter præsidia, inquit, medica, non infimum sane, & antiquitus obtinuit locum : qui & alibi ait : blande agit, obstructiones recludit, viscerum vim enervem roborat, aliosque optimos, cità ac tutà, non præpostere modo propinetur, præstat effectus. Sed, quæ sequuntur, viri optimi verba ferre nequeo : Tyrones interim monitos velim, ne corpore non ritè purgato, neque humoribus non antea diu subactis, ac non benè dilutis, martem umquam propinent. In hoc enim Sydenhamo professori londinensi apertè repugnat, qui genuinam, veramque methodum in praxi fedulò callebat, quem professores omnes in ipså exercitatissimum; & omnibus imitandum fatentur. Ipse gravissimus auctor in Dissert. Epist. ad Guilielmum Cole scribens, hæc habet : Si quis objecerie limaturam chalybis, nist æger subinde fuerie

expurgatus, in visceribus hærentem, ei, qui illam devoraverit, nocere posse; Respondeo primum, me nihil unquam tale in quoquam deprehendisse; deinde longe verisimilius este eamdem muco, & excrementitiis partium humoribus involutam una cum istis tandem omnem elabi. Oportet ergo credamus, Italum istum vel Sydenhamum non legisse, vel si legit, contra virum insignem, ejusque de chalybe experimentum præfracte stare voluisse. Mars ergo instructus diversis viribus, adstringendi videlicet & aperiendi, in tubulorum parietes icus non ita validè impingit, ut fibras convellat, impellat membranas, laceret, infringat, meatus magis magisque quandoque infarciat, abscessus, scirrhos, fanguinis lymphæque profusiones interiores, inflammationes, cruciatus, tormina, aliasque plurimas perquam molestas, & persæque lethales inducat affectiones. Hæc enim fabula est, quam ipse auctor inscitè comminiscitur. Non ignoro Boerhaa-

Boerhaavium nostrum de virib. medic. pag. 446. edit. ult. Venetæ scripsisse, chalybem in morbis acutis, ubi vasa sune constricta, scirrhos insanabiles, aut mortem arcessere; quam opinionem verbis magnificis nonnulli efferunt, nec ipse improbo: nam cum methodica consentit optime, quæ, uti supra notatum est, omne laxum docet esse adstringendum, omne adftrictum laxandum. At inde non poterat philosophus ille, quem oppugnamus, in universum concludere, usum chalybis semper esse lethalem. Quippe ipse magnus Boerhaavius apertè tradit, esse aliquando salutarem. Ejus autem hæc verba funt opere citato pag. 445. In morbis laxissimis virginum chalybs optime conducit. Cum scriptoribus iis, quos ante dixi, omnino sentit Hossmannus, qui docuit, medicamenta martialia cum salinis & balsamicis maritata, commodèque exhibita non inepte pro specifico, & efficacissimis ad cachexiam & chlorosin

sanandam haberi remediis. Nec prætermittendus videtur Pitcarnius, qui tum in affectione hypochondriaca, tum in menfium suppressione chalybem adhibuit. Consentit Joannes Freindius in Emmenolog. p. 213. Chalybem etiam vi momenti sui vasa potenter aperire; quippe qui corpus valide ponderosissimum sit. Hæc una est ferri proprietas, quam tom. 1. Chem. Boerhaavius agnovit; sic enim habet: quarum 1. iterum suo se distinguit pondere. 2. Minus simplex præcedentibus, cum manifesta præbeat sulphuris crudi adhærentis indicia, & combustilis veræ materiæ, immo verd & sæpe in flammas vivas convertendæ. 3. In igne fixum quidem, ita tamen, ut fumet, scintillas quasi combustili à materie Spargat, pondere assiduo minuatur. 4. Ductile sub malleo, in filamenta distractile, non verd in subtilitatem, quin dehiscat, aut fragilitatem prodat. Durum sonorum 3. ignitur ante fusionem diu; funditur igne magno, omnium metallorum difficillime igni-

tum penitus frigidæ aquæ tactum fert. 6. Sol: vitur facillime omni sale, rubescens cum iisdem, sales solventes facillime perdit, in scorias consumitur ferruginosas; hinc vix valet a rubigine præservari: 7. facillime destructile inter omnia metalla, illicò abit in scorias. 8. Magnete trahitur trahens illum. 9. Corpori humano vi medicato optimum, minus inde remotum, quam alia metalla, inque eo ferè solvi potest. Hæc ultima proprietas dilucidè nobis aperit, quantâ polleat virtute chalybs in humano corpore ad obstructiones ejusdem eliminan. das. Quin etiam experientia sæpissimè edocti sumus, non solum in obstructionibus, verum etiam in aliis morbis ejusdem usum esse quam maxime salutarem. Sanè hæc medicamina, quæ ad genus pertinent adstringentium, in solidas potissimum partes agunt; &, quod mirabile est, in nimiâ solidorum laxitate, post ejus usum virginum color è pallido brevi fit rutilus, roseus; quod

van-Swietenus p. 24. in suis quoque commentariis perspicuè observavit; cum per ferrum, ait, ingestum, & corporis exercitia augeatur in hac puella vis firmarum partium in fluida contenta, incipit tumens subsidere facies, amæno, roseo colore genæ, & labia perfunduntur, redit debitus vigor toti corpori. Et doctissimus Freindius in Emmenolog. p. 213. Nemini quippe obscurum esse arbitror chalybem tum gravitatis suæ momento, tum attenuandi vi obstructa vasa posse aperire; hinc enim sanguinis lenrescentis, unde oritur obstructio, coharentiam tollit; inde humores impetu quodam per capillaria propellis. Ergò neque inflammationes, neque cancri, neque scirrhi enascentur in corpore, si chalybe utamur, quem certissimis documentis innocuum esse deprehendimus. Boerhaavius noster tom. 1. Chem. p. 333. in homine, inquit, præstantem largitur, & sine noxâ fere medelam, dum cætera violentiùs agunt. Hæc de chalybe, ejusque usu saluberrimo dicta

CATALOGUS

Librorum quorundam latinorum, quos propriis sumtibus edidit, vel majori in copia acquisivit Amandus Kænig, Bibliopola Argentoratensis.

ARETÆI Cappadocis, Medici insignis ac vetustissimi, Libri VII. à Junio Paullo Crasso, Patavino accuratissime in latinum sermonem versi. 8. 1768.

Bernouilli Hydrodinamica; sive de viribus & motibus fluidorum commentatio. 4. cum figuris; 1738.

Eustachii Libellus de Multitudine, sive de Plethora. 8, 1783.

Forsteni (Med. Doct.) Disquisitio medica Cantharidum, Historiam naturalem, chemicam & medicam exhibens. 8. 1776.

Gaubii (Prof. celeb. Academiæ Lugd. Bat.) Sermones II. academici de regimine mentis, quod Medicorum est; accessit A. K. Boerhavii Sermo academicus de iis quæ virum medicum perficiunt & exornant. 8. maj. 1776.

Hippocrates contractus, in quo Magni Hippocratis, Medicorum Principis opera omnia in brevem epitomen summa diligentia redacta habentur, studio & opera Thomæ Burnet. 8. 1765.

Historia piscium, sistens ipsorum anatomen externam, internam, atque genera in classes & ordines redacta. Accedens Vocabularium locupletissimum; Indices latini ac gallici, Experiment. circa motum natatorium, & muscularem, respirationis mechanismum, auditus & generationis organa cum iconibus, genera nova ac præcipuas partes anatomicas exhibentibus, auctore Ant. Gouan. 4. 1770. cum sig.

- Oppiani (Poetæ Cilicis) Opera omnia: de Venatione libri IV. de Piscatione libri V. cum paraphrasi librorum de Aucupio, ex recensione J. G. Schneideri. 8. maj. 1776. græce & latine.
- Oratio pro crepitu ventris habita ad Patres crepitantes ab Em. Martino, Ecclesiæ Alonensis Decano. 32. Cosmopoli 1768. ex typogr. Societ. PP. crepitantium.
- Sibylla Trig-Andriana, seu de Virginitate, Virginum Statu & Jure tractatus jucundus: ex Jure naturali, divino, canonico & civili; Scriptoribus ecclesiasticis & profanis, in gratiam Physicorum, Medicorum, Theologorum & Juridicorum paratus per H. Kornmannum.

 8. Coloniæ ex typographia Petri Marteau. 1765.
- Schoepflini (Regis Francia Consiliarii & Historiographi)
 Alsatia illustrata, Celtica, Romana & Francica. in folio majori, 1751--1762. II. Vol. cum 51. magnis
 Tabulis æri incisis.
- --- Vindiciæ Celticæ, sive Disquisitio de Patria Celtarum. 4. 1754.
- menti. 4. maj. 1741. cum figuris.
- Quatuor Tabulæ anatomicæ Uteri duplicis observationem rariorem sistentes, ex Decreto Facultatis Medicæ Argentoratensis in lucem editæ à Georg. Henrico Eisenmanno, in solio sic dicto majori. 1752. cum sig.
- Vastapani Animadversiones de China china in Synochis putribus. 8. 1783.
- Vibius Sequester de Fluminibus, Fontibus, Lacubus, Nemoribus, Paludibus, Montibus, Gentibus, quorum apud poëtas mentio sit, Lectionis varietatem & integras Doctorum commentationes adjecit & suas D. Jer. Jac. Oberlinus. 8. maj. 1778.

satis esse possunt ad inanem paucorum opinionem convellendam. Nunc de hydrargyro aliqua dicam.

Hydrargyrum volatilitate, fluiditate, gravitateque partium globosarum in minimos canales delatum, propter eorum angustiam, in minimas partes dividitur; unà cum sanguine mixtum ejus massulas ita propellit, ut ipse celeriorem motum acquirat; hinc potentia quidem sua premente humores attenuat, effringitque, eosque fibi invicem adhærentes faciliùs per cylindrica conicaque vasa appellit; atque ita vitales & naturales actiones in corpore nostro perficiuntur. Sanè huc tua pertinet, Alberte Haller, docta sententia, qui p. 317. tom. 6. ita scribis: Ab obstructionibus oriuntur morbi chronici plerique. Sed obstructiones, quatenus obstructiones sunt, sanantur omnes mercurii viribus. De quo eleganter Sextus Lucilius in primâ;

Adsit, qui phialæ ventri sublimis adhæsit, Duplex mercurius vulcano instante, rebellem Nam morbum irretit morborum protea, ùt olim Sontem Japetidem scyticâ sub rupe ligavit.

Quod unum superest, oro te, Eruditissime Haller, ut hanc meam Dissertationem auspicio tuo & patrocinio tueare. Vale XIV. Kal. Novembris MDCCXLV.

FINIS.



